

حریرہ عدلیہ

نمبر ۱۰۰

۶ ربیع الاول ۱۳۳۲ ۲۰ کانون ثانی ۱۳۲۹

دربنچی سنہ

پازار ایرسی

قسط ۷۷

نوبہرات عدلیہ

وان ولایتی استیناف محکمہ سی ریاستہ بتلیس ولایتی استیناف محکمہ سی مدعیٰ عمومی فائق و ادرنہ
ولایتی استیناف محکمہ سی اعضا سندن ایساق فرہ را افندینک وقوع استعفا سی ملا بسہ سیلہ یرینہ آیدین و جزائر
بحر سفید ولایتی عدلیہ مفتش معاون سابق یاسف سلامی و جانیک سنجائی استیناف محکمہ سی اعضا سندن
شوق افندینک عزیلہ یرینہ قرہ حصار شرقی سنجائی بدایت محکمہ سی جزا دائرہ سی رئیس نجیب و قرہ
حصار شرقی سنجائی بدایت محکمہ سی جزا دائرہ سی ریاستہ یوزغاد سنجائی بدایت محکمہ سی مدعیٰ
عمومی مصطفیٰ نوری و کواش قضائی بدایت محکمہ سی مدعیٰ عمومی لکنہ معمورۃ الرشاد قضائی بدایت
محکمہ سی مدعیٰ عمومی نیازی و بتلیس ولایتی استیناف محکمہ سی اعضا ملازملکنہ تعیین اولیان یوسف
ضیا افندینک وقوع استعفا سی حبیبیلہ یرینہ در سعادت مکتب حقوقدن اعلیٰ درجہ دہ مآزون عبدالحمیم
و کرون قضائی بدایت محکمہ سی مدعیٰ عمومی لکنہ استقرار بدایت محکمہ سی مدعیٰ عمومی اسبقی یوسف
حسام الدین و حدیدہ سنجائی بدایت محکمہ سی مستنطق لکنہ محکمہ مذکورہ اعضا سندن فخری و مذکور
اعضالغہ ارغنی سنجائی بدایت محکمہ سی مستنطق اسبقی عبدالصمد و نابلس سنجائی بدایت محکمہ سی
مستنطق لکنہ قدس شریف سنجائی بدایت محکمہ سی ایکنجی مستنطق احمد حامی و موطیک قضائی بدایت
محکمہ سی مستنطق لکنہ بتلیس ولایتی استیناف محکمہ سی باش کاتب معاونی شکری و بالیہ قضائی بدایت
محکمہ سی مستنطق لکنہ ادرنہ ولایتی مرکز بدایت محکمہ سی سرمستنطق لکندن آچقده قالان محمد حق

وزور سنجائی بدایت محکمه سی اعضا ملازمین تعیین ایدیلان شیخ محمد رضا افندی محل مأموریتنه عزیمت ایتامسندن طولانی مستغنی عدلیه یرینه دیرک قضاسی نائب سابق محمد طاهر افندی نقل وتعیین اولمش و بنی صعب قضاسی بدایت محکمه سی رئیس حسن فهمی افندی ایله عجلون قضاسی بدایت محکمه سی رئیس خلیل رفعت و حلب ولایتی مرکز بدایت محکمه سی اعضاسندن نعوم نجاتی افندی ایله قدس شریف سنجائی بدایت محکمه سی اعضاسندن آمون و قره سی سنجائی بدایت محکمه سی مستنطقی احمد مدحت افندی ایله بابا اسکی قضاسی بدایت محکمه سی مستنطقی خلیل رفعت و ارجیش قضاسی بدایت محکمه سی مستنطقی عبدالباقی افندی ایله معموره الرشاد قضاسی بدایت محکمه سی مستنطقی محمد عطف افندی دخی بجایشلری اجرا قلمشدر.

اشبو اراده سنیه نك اجراسنه عدلیه ناظری مأموردر .

۷ صفر سنه ۱۳۲۲ و ۲۳ کانون اول سنه ۱۳۲۹

محمد رشاد

عدلیه ناظری
ابراهیم
صدراعظم
محمد سعید

•••

یوزغاد سنجائی مرکزنده بولنان لوا بدایت محکمه سنك لواء مذکور مرکزنده برده استیناف محکمه سی اولسندن طولانی اساساً قضا بدایت محکمه سی وظیفه سی ایفا ایتکده و لمسنه وشو حالده مذکور لوا بدایت محکمه سنه حاجت اولدینی کی ذاتاده مذکور لوا بدایت محکمه سی دعاوی و وارده یه قارشو غیر کافی کور لمسنه مبنی مذکور لوا بدایت محکمه سنك ۱۵ کانون ثانی ۱۳۲۹ تاریخندن اعتباراً لغویله و لواء مذکورده ایکی دائره لی اولق و حقوق و تجارت دائره سی ریاستی وظائقی لواء مذکور قاضی طرفندن ایفا قلمق اوزره بر قضا بدایت محکمه سی تشکیلیله مذکور قضا بدایت محکمه سی جزا دائره سی ریاسته تنوس قضاسی بدایت محکمه سی رئیس حمزه ومدعی عمومیلکنه مذکور ملغا لوا بدایت محکمه سی اعضاسندن لطفی و اعضالغنه در سعادت مکتب حقوتندن اعلی درجه ده مأذون محمود و جبل برکت سنجائی بدایت اعضای منتخبه سابقه سندن آرتین خجریان و قیر شهری سنجائی بدایت محکمه سی اعضا ملازمی محمد عادل و قیر شهری سنجائی بدایت محکمه سی اعضا ملازمینکنه مذکور یوزغاد سنجائی ملغا لوا بدایت محکمه سی اعضا ملازمی عثمان صائب افندی نقل وتعیین اولمش و ذکراولنان تنوس قضاسی بدایت محکمه سی ریاستی وظائقی ده محلی قاضیلکی عهده سنه حاله ایدلمشدر.

اشبو اراده سنیه نك اجراسنه عدلیه ناظری مأموردر .

۷ صفر سنه ۱۳۲۲ و ۲۳ کانون اول سنه ۱۳۲۹

محمد رشاد

عدلیه ناظری
ابراهیم
صدراعظم
محمد سعید

•••

قونیه ولایتی مرکز قضاسنده بولنان ایکی صلح حاکمکنندن برینک و مرعش سنجائی ایله آقشهر و بکشهری و سیدی شهری و ایلغین و بوزقیر و قره مان و ارکلی و سلطانیه و قوجحصار و ارمنک و البستان و کلیس قضا لنده بولنان صلح حاکمکی مأموریتلرینک محالرنجه مستقل صلح حاکمکی استخدا منه حاجت اولیه جق درجه ده مصالحک قلمندن طولانی لغویله بوکره تشکیل ایدیلن طریزون ولایتی مرکز قضاسی صلح حاکمکنه قونیه ولایتی مرکز قضاسی صلح حاکمکنندن آچیقده قالان خلوصی و دیاربکر ولایتی مرکز قضاسی صلح حاکمکنه مرعش سنجائی مرکز قضاسی صلح حاکمکنندن آچیقده قالان صادق و آیدین ولایتی مرکز قضاسی صلح حاکمکنه آقشهر قضاسی صلح حاکمکنندن آچیقده قالان عاکف و قسطنطونی ولایتی مرکز قضاسی صلح حاکمکنه سیدی شهری قضاسی صلح حاکمکنندن آچیقده قالان نجیب و آقره ولایتی مرکز قضاسی صلح حاکمکنه قره مان قضاسی صلح حاکمکنندن آچیقده قالان پترکی و سوریه ولایتی مرکز قضاسی صلح حاکمکنه سلطانیه قضاسی صلح حاکمکنندن آچیقده قالان علی رضا و بغداد ولایتی مرکز قضاسی صلح حاکمکنه قوجحصار قضاسی صلح حاکمکنندن آچیقده قالان محمد حلمی و ارزروم ولایتی مرکز قضاسی صلح حاکمکنه ارمنک قضاسی صلح حاکمکنندن آچیقده قالان جمال و سیواس ولایتی مرکز قضاسی صلح حاکمکنه البستان قضاسی صلح حاکمکنندن آچیقده قالان حسین حسنی و آطنه ولایتی مرکز قضاسی صلح حاکمکنه کلیس قضاسی صلح حاکمکنندن آچیقده قالان حسیب و خداوندکار ولایتی مرکز قضاسی صلح حاکمکنه قسطنطونی ولایتی مرکز بدایت محکمه سی جزا دائره سی رئیس محمود عزیز و وان ولایتی مرکز قضاسی صلح حاکمکنه یوزغاد سنجائی بدایت محکمه سی رئیس یوسف ضیا و بیروت ولایتی مرکز قضاسی صلح حاکمکنه سوریه ولایتی مرکز بدایت محکمه سی جزا دائره سی رئیس عبدالله مجدی و حلب ولایتی مرکز قضاسی صلح حاکمکنه بصره ولایتی استیناف محکمه سی مدعی عمومیلکنندن مستغنی جمال افندی نقل وتعیین اولمشدر .

اشبو اراده سنیه نك اجراسنه عدلیه ناظری مأموردر .

۹ صفر سنه ۱۳۲۲ و ۲۵ کانون اول سنه ۱۳۲۹

محمد رشاد

عدلیه ناظری
ابراهیم
صدراعظم
محمد سعید

•••

بتلیس ولایتی استیناف محکمه سی مدعی عمومیلکنه عدلیه نظارتی امور جزائی قلمی باش میزنی اولوب مکتب حقوق شاهانه دن اعلی درجه ده مأذوناً مسلک حاکمکنه قدر ترقی ایدن آصف و بصره ولایتی استیناف محکمه سی مدعی عمومیلکنه در سعادت استیناف محکمه سی مدعی عمومی معاونلرندن برهان الدین

وقسطنوني ولايتي مركز بدایت محكمه سي جزا دائره سي رياسته وقوعبولان استدعاسنه بناء سرای قضای بدایت محكمه سي حاکمي ناظم و سرای قضای بدایت محكمه سي حاکم لکنه شيله قضای صلح حاکمي حسن راجي وقسطنوني ولايتي مرکز بدایت محكمه سي مدعي عموميلکنه اسپارته سنجاغي بدایت محكمه سي جزا دائره سي رئيسي صادق واسپارته سنجاغي بدایت محكمه سي استيناف جزا دائره سي استيناف محكمه سي اعضاالغنه بغداد ولايتي استيناف محكمه سي اعضاالغنه تعيين ايدلديكي خالد سرد اعذار ايله محل مذکورہ عزيمتن استتکاف ایدن کر قور کمال و ايدین ولايتي مرکز بدایت محكمه سي مدعي عموميلکنه عینتاب سنجاغي بدایت محكمه سي جزا دائره سي رئيسي عثمان نیازی و عینتاب سنجاغي بدایت جزا دائره سي رياسته ملاطيه سنجاغي بدایت محكمه سي جزا دائره سي رياستدن مستغنی نجاتی و طربزون ولايتي مرکز بدایت محكمه سي مدعي عموميلکنه چتالجه سنجاغي بدایت محكمه سي جزا دائره سي رئيسي احمد نظيف و وان ولايتي مرکز بدایت محكمه سي مدعي عموميلکنه موش سنجاغي بدایت محكمه سي جزا دائره سي رئيسي شفيق و موش سنجاغي بدایت محكمه سي جزا دائره سي رياسته سلیمانیه سنجاغي بدایت محكمه سي جزا دائره سي رئيسي عمر مدحت و سلیمانیه سنجاغي بدایت محكمه سي جزا دائره سي رياسته ملاطيه سنجاغي بدایت محكمه سي جزا دائره سي رئيس اسبقی محمد حلمی و سیواس ولايتي مرکز بدایت محكمه سي مدعي عموميلکنه سعرد سنجاغي بدایت محكمه سي جزا دائره سي رئيسي کامل و سعرد سنجاغي بدایت محكمه سي جزا دائره سي رياسته اورفه سنجاغي بدایت محكمه سي جزا دائره سي رئيسي خليل شعبان و اورفه سنجاغي بدایت محكمه سي جزا دائره سي رياسته لمنی سنجاغي بدایت محكمه سي جزا دائره سي رئيسي و صاف و بغداد ولايتي مرکز بدایت محكمه سي مدعي عموميلکنه طرابلس شام سنجاغي بدایت محكمه سي رئيسي شرف الدين و طرابلس شام سنجاغي بدایت محكمه سي رياسته سوريه ولايتي استيناف محكمه سي اعضااسندن عبدالغنی بدران و سوريه ولايتي استيناف محكمه سي اعضاالغنه يافه لوا بدایت محكمه سي مدعي عموميسي وحيد و کربلا سنجاغي بدایت محكمه سي اعضاالغنه جده سنجاغي بدایت محكمه سي اعضاالغندن مستغنی محمد ذکی و بارطین قضای لوا بدایت محكمه سي اعضاالغنه تعيين اولنان قره بت افدينک وقوع استغفاسی ملايسه سيله يرينه سلانيک مکتب حقوقندن علی الاعلی درجه ده مأذون يوداجيب و ملاطيه سنجاغي بدایت محكمه سي اعضاالغنه تعيين قلنان ستراق افدينک محل مأموریتته عزيمت ایتامسندن طولاي مستغنی عدليه يرينه دیاربکر ولايتي مرکز بدایت محكمه سي اعضا ملازمی آرتین و دیاربکر ولايتي مرکز بدایت محكمه سي اعضا ملازمکنه سعرد سنجاغي بدایت محكمه سي اعضا ملازمکندن مستغنی محمد نیازی و یوزغاد سنجاغي مرکز قضا بدایت محكمه سي اعضاالغنه آجه آباد قضای بدایت محكمه سي اعضاالغندن آچيقده قالان مهران افديلر نقل و تعیین اولنمش ولوله برغوس قضای بدایت محكمه سي حاکم معاوني شکیب بک ايله چورلی قضای بدایت قضای بدایت محكمه سي حاکم معاوني صائب و ماچقه قضای بدایت محكمه سي رئيسي عبدالقياض افندی ايله

بدایت محكمه سي رئيسي خليل شرف و عکار قضای بدایت محكمه سي مدعي عموميسي ابراهيم عزت افندی ايله حوران سنجاغي بدایت محكمه سي اعضااسندن محمد کامل و حاجین قضای بدایت محكمه سي مدعي عموميسي صلاح الدين افندی ايله اصلاحیه قضای بدایت محكمه سي مدعي عموميسي احمد حمدي و نصيبن قضای بدایت محكمه سي مدعي عموميسي احمد حلمی افندی ايله مديات قضای بدایت محكمه سي مدعي عموميسي کمال افديلرک دخي بجایش مأموریتلری اجرا قلنمشدر .

اشبو اراده سنيه نك اجراسنه عدليه ناظری مأموردر .

١٠ صفر سنه ١٣٢٢ و ٢٦ کانون اول سنه ١٣٢٩

محمد رشاد

عدليه ناظری صدر اعظم

ابراهيم محمد سعيد

منحل اولان درسعات استيناف محكمه سي مدعي عمومی معاونلکنه اسکدار بدایت محكمه سي مدعي عموميلکی باش معاوني احمد رفيق و اسکدار بدایت محكمه سي مدعي عموميلکی باش معاونلکنه درسعات بدایت محكمه سي مدعي عمومی معاونلرندن راغب بکر نقل و تعیین اولنمشدر .
بو اراده سنيه نك اجراسنه عدليه ناظری مأموردر .

١٥ صفر سنه ١٣٢٢ و ٣١ کانون اول سنه ١٣٢٩

محمد رشاد

عدليه ناظری صدر اعظم

ابراهيم محمد سعيد

قاضی کوني صلح حاکم عائد اولان اطهر قضای دعاوی صالحیه سي مذکور ايکي محل ييشنده طوغریدن طوغری به وسائط نقلیه نك فقدانی جهتيه قرنال قضای صلح حاکمي عهد سنه احاله ايدلشددر .
بو اراده سنيه نك اجراسنه عدليه ناظری مأموردر .

٢١ صفر سنه ١٣٢٢ و ٦ کانون ثانی سنه ١٣٢٩

محمد رشاد

عدليه ناظری صدر اعظم

ابراهيم محمد سعيد

تایید اما پیشکده تایید حکم استيناف محكمه سي حاکم معاوني شکیب بک ايله چورلی قضای بدایت قضای بدایت محكمه سي حاکم معاوني صائب و ماچقه قضای بدایت محكمه سي رئيسي عبدالقياض افندی ايله

ايدین سنجاغی قضا بدایت محکمه سی وظیفه سنک لوا بدایت محکمه سنه علاوم سنه و حقوق و تجارت اجرا ریاستی امور سنک ده محلی قاضیلکی عهده سنه احاله سنه مذکور بدایت محکمه سی ایکی دائریمه تقریق و قضا بدایت محکمه سی لغو اولمشدر
 بو اراده سنیه نک اجراسنه عدلیه ناظری مأمورد
 ۲۲ صفر سنه ۳۳۲ و ۷ کانون ثانی سنه ۳۲۹

عدلیه ناظری
 ابراهیم
 صدر اعظم
 محمد سعید

کوتاهیه سنجاغنده استیناف محکمه سنه برابر موجود اولان لوا بدایت محکمه سنک قضا بدایت محکمه سی اموری ایفا ایتسندن وشو حالده مذکور لوا بدایت محکمه سی یرینه بر قضا محکمه سی اقامه ایجاب ایتسندن دولای مذکور لوا بدایت محکمه سنک لغویله لواء مذکورده هیئت اتهامیه وظیفه سنی دخی ایفا ایتک اوزره بر قضا محکمه سی تشکیلی تسبب اولمشدر
 بو اراده سنیه نک اجراسنه عدلیه ناظری مأمورد
 ۲۲ صفر سنه ۳۳۲ و ۷ کانون ثانی سنه ۳۲۹

عدلیه ناظری
 ابراهیم
 صدر اعظم
 محمد سعید

معموره العزیز ولایتی استیناف محکمه سی اعضا لگنه کوتاهیه سنجاغی ملغا لوا بدایت محکمه سی مدعی عمومیه سی سلیمان سعیدی و دکرلی سنجاغی بدایت محکمه سی اعضا لگنه آطنه ولایتی مرکز بدایت محکمه سی اعضا سندن کر قور پارا غامیان و آطنه ولایتی مرکز بدایت محکمه سی اعضا لگنه وار طو قضاسی بدایت محکمه سی ریاستندن مستعفی عبدالرحمن و کوتاهیه سنجاغی قضا بدایت محکمه سی ریاستنه آیدین سنجاغی ملغا قضا بدایت محکمه سی ریسی فهمی و مدعی عمومیلکنه مذکور کوتاهیه سنجاغی ملغا لوا بدایت محکمه سی اعضا سندن حسن حسنی و اعضا لگنه آیدین سنجاغی ملغا قضا بدایت محکمه سی اعضا سندن حسین ناظم و یواناکی و بافره قضاسی بدایت محکمه سی مدعی عمومیلکنه آیدین سنجاغی ملغا قضا بدایت محکمه سی مدعی عمومیه سی محمد احسان و عینتاب سنجاغی بدایت محکمه سی اعضا لگنه باغچه قضاسی بدایت محکمه سی مدعی عمومیه سی یحجازار بکلیان و باغچه قضاسی بدایت محکمه سی مدعی عمومیلکنه اسکیشهر لوا بدایت محکمه سی اعضا ملازمی احمد هدایت واسکیشهر لوا بدایت

محکمه سی اعضا ملازمیلکنه کوتاهیه سنجاغی ملغا بدایت محکمه سی اعضا ملازمی کاظم افندیلر نقل و تعیین اولمشدر
 بو اراده سنیه نک اجراسنه عدلیه ناظری مأمورد
 ۲۲ صفر سنه ۳۳۲ و ۷ کانون ثانی سنه ۳۲۹

عدلیه ناظری
 ابراهیم
 صدر اعظم
 محمد سعید

در سعادت استیناف محکمه سی مدعی عمومی معاونلرندن مظهر بک عدم دوامندن طولانی عزلیله یرینه بک اوغلی بدایت محکمه سی مدعی عمومیلکی باش معاونی نعیم و بک اوغلی بدایت محکمه سی باش معاونلکنه بک اوغلی بدایت محکمه سی مدعی عمومیلکی معاونلرندن صبری و بک اوغلی بدایت محکمه سی مدعی عمومیلکی معاونلکنه در سعادت استیناف محکمه سی جنایت قسمی ایکنجی صنف ضبط کتبه سندن در سعادت مکتب حقوقندن علی الاعلا درجه ده مآذون طلحه جناح الدین بکر تعین اولمشدر
 بو اراده سنیه نک اجراسنه عدلیه ناظری مأمورد

۲۶ صفر سنه ۳۳۲ و ۱۱ کانون ثانی ۳۲۹

عدلیه ناظری
 ابراهیم
 صدر اعظم
 محمد سعید

قوانین و نظامات

صلح حاکمری قانون موقتته مواد مذیله صورتی

برنجی ماده هنوز صلح حاکمری تعیین ایدلماش اولان محارده اموال غیر منقولیه به متعلق منع تجاوز دعوالری تعلیمات مخصوصه سنه توفیقاً کافی السابق محالس اداره جه فصل و رؤیت اولنور
 ایکنجی ماده بو قانون تاریخ نشرندن معتبردر

اوچنچى ماده بو قانونك اجراى احكامنه داخله و عدليه ناظرلى مأمورلردر .
مجلس عمومىك اجتماعده قانونى تكليف ايدلك اوزره بولايحه قانونيهك موقتاً موقع اجرايه وضعى
وقوانين دولته علاوهسنى اراده ايدرم

۷ صفر سنه ۱۳۲۲ و ۲۳ كانون اول سنه ۱۳۲۹

محمد رشاد

عدليه ناظرى	داخليه ناظرى	صدراعظم
ابراهيم	طلعت	محمد سعيد

کاتب عدل قانونى حقنده ماده موقته

- ۱- کاتب عدل قانونى « ۱۳۳۰ » سنه سى مارت ابتداسنده موقع مرعيتيه وضع ايديله جکدر .
 - ۲- اشبو قانونك اجراى احكامنه عدليه نظارتى مأمورلردر .
- مجلس عمومىك اجتماعده قانونى تكليف ايدلك اوزره اشبو لايحه قانونيهك موقتاً مرعيتى وقوانين دولته علاوهسنى اراده ايدرم .

۱۴ صفر سنه ۱۳۲۲ و ۳۰ كانون اول سنه ۱۳۲۹

محمد رشاد

عدليه ناظرى	صدراعظم
ابراهيم	محمد سعيد

تلفات عمره

عدليه نظارت جليله سنده صادر اولاره ۱۶ ثانويه اول سنه ۱۳۲۹ تاريخى تلفات عمره صورتيه :

« بعدما تدقيقات استينافيه اثناسنده وظيفه وصلاحيت و مرور زمانه تعلق ايتيان خصوصاً بعدالفسخ اوراقك محاکم ابتدائيه عادهسى مثلاً حالاته ميدان ویرلامسى لزومه دائر »

جنجهيه متعلق دعاويدن طولاي محاکم جزائيه دن لاحق اولان مقرراتك عندالاستيناف فسخى حالنده محاکم استينافيه جه اصول محاکمات جزائيه قانونك يوز طقسان يدنجي ماده سنه توفيقاً اساس دعوانك درجه ثانيه فصل ورؤيتي ايله حکم و قراره ربطى و يالکيز اساسه کيريشلمکسزين وظيفه و صلاحيت ايله مرور زمانه متعلق مسأله اتخاذ ايديلن مقررات ابتدائيه بعدالفسخ ذات ماده رؤيت ايدلك اوزره اوراق دعوانك

درجه اولى محاکمه عادهسى مقتضى بولندينى حالده بر مدتدنبرى بعض محاکم جزائيه طرفدن استينافاً تدقيقاته ابتدار اولسان بو مثلاً دعاوى جزائيه حقندهكى مقررات ابتدائيه وظيفه و صلاحيت ايله مرور زمانه تعلق ايتيان اسبابدن طولاي فسخ ايله اساس دعوانك تدقيقاته کيريشلمکسزين اوراق دعوى محاکم ابتدائيه عاده ايدلمکده و محاکم ابتدائيه جه او مثلاً مقررات استينافيه قارشو عدم صلاحيت يولنده قرارلر ویرلمکده اولمسيه بو سببدن طولاي محاکم استينافيه و ابتدائيه آره سنده بر چوق اختلافات حاصل اولدينى تعيين مرجع دعوى طريقه محکمه تميزه ورود ايدن اوراق مفاهيمدن اکلاشيلوب شو حال بر طاقم دعاوى جزائيهك تاخراتى انتاج ايله بالتيجيه ضياع حقوقى مستلزم حالات توليد ايدى چكى درکار بولنديغندن بعدما تدقيقات استينافيه اثناسنده قانون مذکورك ماده مبجوتسى حکمك نظر دفته آلهرق وظيفه و صلاحيت و مرور زمانه تعلق ايتيان خصوصاً بعدالفسخ اوراقك محاکم ابتدائيه عادهسى مثلاً حالاته ميدان ویرلامسى خصوصى بالمله استيناف محاکمى مدعى عموميلکرينه تبليغ ايدلمش اولغله دائره مأموريتکيز جهده بو دائرهده ايفاي معامله اولمسي لازم کله چكى بيانيله اشبو تحريراتك نسخ مطبوعه كافييهسى لفا ارسال قلندي

عدليه نظارت جليله سنده نظير اولاره ۱۶ ثانويه ثانی سنه ۱۳۲۹ تاريخى تلفات عمره صورتيه :

« وقایع عدليه ده اطبا راپورلرينك صورتلرينك اخذيله اصللرينك کوندرللى مصلحه موافق اوله جفته دائر »

وقایع عدليه ده اطبا طرفدن ویريلوب لاجل التدقيق محاکدن کوندريلن اطبا راپورلرينك على الاكثر اصللرى کوندريلوب صورتلرى کوندرلمکده و بو جهته مذکور راپورلر مندرجاتنده بولسان تعبيرات واصطلاحات فنيهك بالطبع عدم وقوف حسبيله على الاكثر يالکش و نقصان و اکثراً اوقوللار بر صورتده استنساخ ايدلمکده اولديغندن بعدما حين تدقیقارنده بر چوق صعوبت و مشکلاته و بالتيجيه استيضاح وسيله سيله بعضاً تاخر معاملات بيله بادی اولان بوکي کوندريله جک راپورلرک تکرار عاده اولمق اوزره صورتلرينك محللرنده اليقونيله رق اصللرينك کوندرللى مصلحه ده موافق اوله جنى صحيه مديريت عموميه سى افاده سيله داخله نظارت جليله سندن آلان تذکرده بيلديرلش و صورت اشعار موافق نفس الامر اولوب كيفيت بالعموم استيناف مدعى عموميلکرينه تبليغ ايدلمش اولغله دائره مأموريتکيز داخلنده ده بو دائرهده ايفاي معامله اولمق لازم کله چكى بيانيله اشبو تحريراتك نسخ مطبوعه كافييهسى لفا ارسال قلنمشدر

نظارت جليله سندنه تنظيم اولنامه ۲ ثانويه ۳۲۹ تاريخي تبليغات عموميه صورت بيري:

« حبسخانه مدير ، مأمور و كاتب و غارديانلري حقنده »

۱۵ نيسان ۳۲۹ تاريخي تحريرات عموميه ذيلدر . بعض محالدره كي محوسينك تدارك ايندكلري اسلحه آلات جارحه و وسائط مخصوصه ايله فرار ايتكده و محوسين و موقوفين آراسنده يكديكري جرح و قتل ايتك كي بعض احوال مؤسسه وقوعه لككده اولديغيك اكلاشديغندن و بومثلار و قايمك حدوشنده حبسخانه مأمور و غارديانلرله برابر مأمورين ملكيه نكده على الدرجات تحت مسئوليت آلنلري لزومك پيش نظر دفته آلنديغندن بحثله وظيفه سنك اهلي اولميان مدير و مأمور و غارديانلرك تبديلي و حبسخانهلره اسلحه و مواد ممنوعه نك منع ادخال و فرار وقوعاتك صورت قطعده منعه عائد تدابيرك اخذ صولرپنه صوك درجه دقت اولنمسي و خلاف تبليغات حركتده بولنان و فرار وقوعه سببيت و ير مأمورينك در حال خدمتلرندن اخراجيله برابر محاكمه توديعي و علملرينه صادر اوله حق حكملرك امثاله موجب عبرت اولق اوزره نشر و اعلان ايتديريله جكنك و حبسخانهلرك معينه سنه مأمور اولان هيئتك ولايتلرده استيناف و يا بدایت جزا رئيسلري ايله استيناف و يا مركز مدعي عموميلري و مركز مستنطقلرندن بری و ژاندارمه قومانداني و يا خود و كيلندن و مركز قائممقاميله صميمه مفتش لرندن و لوا مركزلرنده بدایت محكمه سي جزا رئيسلري و مدعي عموميلري و مستنطقلرله ژاندارمه طابور قوماندانلري و بلديه طيبيلرندن و قضالرده دخي بدایت محكمه سي رئيسلري و مدعي عموميلري و مستنطقلري و ژاندارمه بلوك قوماندانلري و بلديه طيبيلرندن بالتركيب حبسخانه مأمورين و مستخدمين موجوده سنك احوالي تدقيق اولنهرق ايشه و كوجه ياراميان و شايان امن اعتماد اولميان كيمسه لرك تبديلي و يرلرينه تعييني لازم كلن و بعدا زين تعيين ايديله جك مدير ، مأمور و كاتب و غارديانلرك بالامتحان اوصاف مطلوبه يي حائز ذوات ميانندن انتخابي خصوصنك هيئت مذكوره يه حواله سي و هر سنه كوندرلكده اولان ايستاستيق جداولنك مطلوبه موافق اولمسي ايجون هيئت مذكوره نك تحت نظارتنده تنظيم قلممسي و حبسخانهلرك معينه سنه مأمور هيأت طرفندن انتخاب ايديله جك حبسخانهلر مأمورين و مستخدمينك امر تعيينلرينك اداره عموميه ولايات قانونك اونجي ماده سي موجبجه درجه مأموريتلرينه كوزه قائممقام و متصرفلر طرفندن اجرا و واليلر طرفندن تصديق اولنمسي خصوصاتك ولايات والويه مستقليه تبليغ قلنديني داخله نظارت جليله سندن اشعار و تبليغات واقعه نك مستلزم فوائد و محسنات اوله جني دركار بولمكش اولغله مأموريتكزجه دخي آكا كوره ايقي معاملاتيه دقت اولنمسي ضمنده اشيو تحريراتك نسخ مطبوعه كافيه سي لفافه ارسال قلندي

حكام و مأمورين عدليه نك انتخابلرينه متدائر نظامنامه نك يكرمي طقوزنجي ماددسي موجبجه مكاتب حقوق و قضاة مأذونلرينك خدمات عدليه يه قبل القبول تابع طوولا جقلى قيود و شرائطي ميين تعليماتنامه

— معاملات قيديه —

برنجي ماده — در سعادت و طشره مكاتب حقوقيه سيله مكاتب قضااتن مأذون افنديلر دن خدمت عدليه يه دخوله طالب اولانلر بركونا اعلانه حاجت اولمقسزين هر سنه ايلول ابتداسندن اعتباراً تشرين اول نهايته قدر ايكي آي مدت ظرفنده تحريرات عدليه نظارتى سجل مأمورين قلمنه بالمراجعه معاملات قيديه يي يقا ايتديره جكلردر . بومدت ظرفنده قيد اولونمايانلرله قبول امتحاني كوننده در سعادته حاضر بولونمايانلرك بركونا معذرتلري قبول ايديله رك سنه آتیه يه دور اولونا جكلردر .

ايكنجي ماده — معاملات قيديه آتیده كوستريله جك نمونه يه توفيقاً تحريرات اولونا جق عر فحال ايله تذكرة عثمانيه و مارالذكر مكاتبلردن مأذونيتي متضمن وثيقه صورت مصدقه لرينك عدليه نظارت سجل مدير يته ارسال و يا اعطاسندن عبارتدر .
مستدعي عر فحالنده اول اسم و محل اقامتي ، ثانياً پدرينك اسمي و صفت مأموريتي ، ثالثاً هانكي مكاتبلردن ، هانكي سنه لرده مأذون اولديغني ، رابعاً در سخانه تطبيقاته دوام ايتك ايستديكني آيري آيري سطرله يازا جقدر .

نامزدلر عر فحال ايله برلكده ايكي قطعه مقواسر فوطوغرافلريني توديع ايداه جكلردر . بوفوطوغرافلردن بريلي دخول امتحاننده موفق اولدقدن صوكرا افندينك يدينه ويريله جك هويت ورقه سنه الصاق ديكرى ده دوسيه سي مياننه وضع ايديله جكلدر .
معامله قيديه نك ايفا ايديله يكني ناطق اولارق افنديلره برر پوصله ويريله جكلدر . طشره دن مراجعت ايدانلرك اشبو پوصله يي قبل الامتحان بالذات سجل قلمندن الملري مقتضيدر .
اوچنجي ماده — امتحانه كيره جك افنديلر تشرين ثانيا نك برنجي كوني دائرة عدليه ده اثبات وجود ايتك مجبور يتيده درلر .

۲

در د رنجي ماده — قبول امتحانه تشرين ني آي ايجنده و در سعادت جرائدي ايله اعلان اولونا جق كونده مباشرت ايديله جكلدر .

قبول امتحانی تحریری و شفاهی اولمق اوزره ایکی قسمدر:

تحریری قسم: انتخاب حکام نظامنامه سنک یکریمی دو قوزنجی ماده سنده ذکر اولونان ذوات دن مرکب بر انجمن امتحان معرفتیه علم حقوق مدنی، تجارت و جزا اقسامنک اساس، اصول و نظریاتنه متدائر اولارق یوم امتحانک صباحی بالذاکره ترتیب قیلنه جق دو قوز مختلف سؤال اوچر اوچر بالتفریق آیریجه ظرفلره قونارق مهرلنه جک و طلبه حضورنده چکیله جک ظرف دروننده کی سؤالر تعین ایلنه جکدر.

امتحان بلافاصله نهایت اوچ ساعت دوام ایده جکدر.

شفاهی قسم: تحریری امتحان نتیجه سنده موفق اولان افندیلره عین شعبات علومه متعلق ایراد ایدیلنه جک سؤاللردن ترکیب ایده جکدر.

پنجینجی ماده — تحریری امتحانک صورت جریانی اشبوتعلیماتنامهیه مربوط علاوه ده تعریف ایدیلشدر.

اصول موضوعیه مخالف حرکتده بولونان نامزدک سنه آتی امتحاننه دخوله حق اولمق اوزره اوراق امتحانیه سی ابطال اولونور.

آلتنجی ماده — تحریری امتحانده هر سؤالک تام نومروسی اون اولمقله اوچ سؤال نومرولرینک مجموعی اون سکزه بالغ اولان نامزدلر شفاهی امتحان قبول اولونورلر. اون یدی دن صوکرکی کسورات واحده ابلاغ ایدیلر. اس میزانی دولدورامیانلرک یکیدن قید معامله سی اجرا اولونمق شرطیه تکرار دخوله حق لری واردلر.

یدنجی ماده — تحریری امتحان نتیجه سی، قبول ایدیلن و ایدیلنه نلرک تفریقی صورتیه نظارت سالوننه تعلیق قیلنان جدول مخصوص ایله اعلان اولوناجقدر.

سکزنجی ماده — اشبوا علانندن ایکی کون صوکرکی تحریری امتحانده موفق اولان افندیلرک مارالذکر هیئت معرفتیه و دردنجی ماده موجبنه شفاهی و علنی امتحانلرینه باشلانیلارک کونده لاقلا اون بش طلبه امتحان ایدیلنه جک و افندیلر الفبا ترتیبی اوزرینه بالتفریق امتحان قبول اولوناجقدرلر.

شفاهی امتحان سؤاللری اولجه هیئت میزه جانندن تعین و اوچر اوچر رسمی مهرلی کاغدلره تحریر و ظرفلر دروننه وضع اولونارق مهرلنه جکدر. طلبه دن هر بری اشبوظر فلرک برینی کشیده و اوزرینه اسمنی تحریر ایده جکدر. بو ظرفلر امتحان نظارت ایدن مأمور مخصوص طرفندن امتحاندر بر ساعت مقدم آچیلارک اوزرنده اسمی اولان طلبه یه ویریلنه جکدر.

طلبه اثنای امتحانده خارجدن کیمسه ایله مناسبتده بولونامیاجقدر. طلبه دن هر برینک شفاهی امتحانی برچاریک ساعت تمادی ایده جکدر. امتحان نتیجه سنده هر بریمیز کندی آلدنه کی ورقه مخصوصیه رقم و یازی ایله تقدیرایتدیکی نومرویی وضع و نهایتی امضا ایده جکدر. سهو وقوعنده تصحیحک آیریجه امضا اولونماسی لازم کلیر.

هر سؤالک تام نومروسی اون اولوب مجموعنه نظراً اس میزان اون سکزددر. کسورات واحده ابلاغ اولونور.

اجرا قیلنان شفاهی امتحانلر نتیجه سی حاوی جدول نظارت سالوننه بالتعلیق اعلان اولوننه جقدر.

دوقوزنجی ماده — شفاهی امتحانده موفق اولانلر تطبیقات درسخانه سنه و محاکم و دوائر عدلیه یه دوام اهلیتینی اکتساب ایدرلر. یالکیز شفاهی امتحانده قازانامیانلر سنین متعاقبه ده تکرار تحریری امتحاننه دخول مجبوریتدن وارسته اولمق شرطیه شفاهی امتحانلره کیره بیایلر.

۳

درستخانه تطبیقات محاکم و دوائر دوام

اوننجی ماده — هر سنه کانون اول آینه آچیلارک اولان درسخانه ده جمعه ایرتسی، بازار ایرتسی و چهارشنبه اولمق اوزره هفته ده اوچ کون تطبیقات درس لری ویریلنه جک و ایام مذکورده نك برنده حقوق، برنده جزا و برنده دخی تجارت تطبیقاتیه اشتغال اولوناجقدر.

تدریسات وسطی ساعت دو قوز بچقندن اون ایکیه و بردن اوچ بچقه قدر دوام ایده جکدر.

درسخانه یه مداوم افندیلر اوچ شعبه یه تفریق اولوناجق و هر شعبه یه منسوب اولان طلبه هفته ده برکون درسه کله جکدر. شعبه لر هر درت ایده برتبدیل اولونورلر.

اون برنجی ماده — محاکم و دوائر صورت دوام بروجه آتیدر: برای تجارت، ایکی آی بدایت حقوق، برای صلح و برای استیناف محاکمی، برای اجرا دائره سی اولمق اوزره آلتی آی حقوق و تجارت و برای مدعی عمومیلک، برای استنطاق دائره لری، ایکی آی بدایت، برای صلح، برای استیناف محاکمی اولمق اوزره آلتی آی جزا.

اون ایکسجی ماده — تطبیقات تشرین ثانی نهایتنده ختام بولاجقدر. درسخانه تطبیقاتده ایام تدریسیه ده صباحین ساعت دو قوز بوچوقده یوقلمه اجرا ایدیلنه جکی کی ملازم افندیلر محاکم و دوائر دخی بالخاصه طوتولاجق دوام جدولی — درسخانه ده بولونقلری کونلر مستثنا اولمق اوزره — دیگر مأمورینک مبدأ و تعطیل اشتغالاتی زماننده امضا ایلنه جکدر.

۴

تدریسات

اون اوچنجی ماده — حقوق، تجارت و جزا قسملرینک تطبیقاتی تدریس ایتک اوزره طرف نظارتدن منتخب اوچ معلم اوچده معاون اولاجقدر.

معاونین درس اثنا سنده معلمه برلکده بولونایله جکی کی معلمک حسب الایجاب غیوتی حالنده تعقیب ایلدیکی طرز و صورتده درس ویره جکاردر .

اون دزدنجی ماده — درسخانه تطبیقات مکتب حقوق مأذونلرینک اکتساب ایلدکری معلومات نظریه بی فعالاً مأموریتده استعمالدن اول عملیات ایله اکیال و ترصین ایللری مقصدینه مستند اولدیغندن بوراده نظریات ایله برلکده وظائف مختلفه عدلیه تک تفرعات عملیه سی اراؤه ایدیه جکدر .

مثلا معلمل طرفندن امور متنوعه عدلیه تک اداره سنه عائد ایضاحات و تفصیلات لازمه دفاتر و اوراق نمونه لری اوزرنده تشریح و ایفا قیلنمقله برابر اؤ قصه بر زمانده اؤ چوق مسائل تطبیقیه بی اراؤه خادم بر شکلده معین موضوعلر ترتیب ایدرک رئیس ، اعضا ، مدعی عمومی ، ضبط کاتبی ، مباشر ، طرفین و وکیل و الحاصل حل اولونا جق مسئله و دعاوینک لزوم کوستردیکی کیمسه لر طلبه میانندن تفریق و تعیین صورتیه قادرولر تشکیل و مسائل مرتبه اوزرینه بالفعل محاکمات اجرا قیلنه جکدر .

معلمل اثنای تدریسده طلبه تک وظائف مودوعه سنده علی الفور تبادرلر اجرا ایتمک صورتیه هر برینک بقته حادث اولان مسائل قارشیننده مکتسبات موجوده لرندن طرز استفاده لرینی تدقیق ایلنه جکاردر . محاکمات اثنا سنده کوروله جک نواقص اصولیه و قانونیه حقنده کرک اثنای محاکمه ده کرک محاکمه دن صوکرما معلم طرفندن تنقیدات و تشریحات اجرا و آرا و مسائل متشتمله اؤ زیاده موافق قانون و صور تطبیقیه بی اکتساب ایدن مسائل حقنده ایضاحات اعطا قیلنه جکی کی معلمک تنسیب و مساعدیه سی اوزرینه طلبه طرفلرندن دخی مطالعات درمیان ایدیه بیله جکدر .

اون بشنجی ماده — محاکمات و تطبیقاتده قادر و هیئتندن طرفینی تشکیل ایدن افندیلر حقوق ، جزا و تجارت دعوالرینه و تعقیبات قانونیه و اجرا معاملاتنه اساس اتخاذا قیلان استدعا و ضبط ورقه لری ، ادعانا مه ، سندات ، وکالتنامه و جزنامه مثللو اوراقی هر حالده بالتنظیم کندی دعوی وادعا و مدافعه لرینی اونلرک اوزرینه ابتنا ایده جکلری کی ضبط کاتبی دخی اوراق مذکورینی دفاتر قانونیه قید و رئیسک تقرر و املا ایده جکی قرار محکمه بی دفتر مخصوصه تحریر و جریان محاکمه بی محتوی ضبطنامه بی و استنطاقنامه و سائر ضوابط قانونیه بی اثنای محاکمه و استنطاقده ضبط و تحریر ایده جکلر و معلمل اشبو ضبطنامه و استنطاقنامه و اوراق سائرینی تدقیق و تصحیح و اونلره متفرع ایضاحاتی اعطا ایلنه جکاردر . دعوایه اساس اتخاذا قیلان اوراق ایله ضبط کاتبی طرفندن تنظیم ایدیلن ضبطنامه و سائر ختام تطبیقاتده تنظیم ایدیه جک اهلیتنامه بی اساس اولمق اوزره هیئت تفتیشیه جه حفظ اولونا جکدر .

اون آلتنجی ماده — درسخانه تطبیقاتک حقوق قسمنده باشلیجه مجله احکام عدلیه تک محتوی اولدینی کتابلره عائد مسائل و احکام فقهیه ایله اراضی قانونی ، طابو نظامنامه و تعلیماتنامه سی ، اموال غیر منقوله

وصاح حاکم لری ، تمغا قانونلری ، خرج تعرفه سی ، اصول محاکمات حقوقیه و مواد مذلیه سی و الحاصل بالجمله قوانین عمومیه و خصوصیه و اصولیه متعلق مسائل تطبیق و توضیح قیلنه جکدر . تجارت قسمنده تجارت بریه و بحریه قانونلریله معاملات افلاسیه تک کافه درجات و تفرعاتی تطبیق و اجرا اولونا جکدر .

جزا قسمنده قانون جزا و تمذیلاتنک محتوی اولدینی جرائم عمومیه تک کافه سی ایله برلکده مطبوعات ، مطبعه لر ، رژی ، تنباکو ، اورمان ، علامت فارقه ، پساپورط ، سرسری ، صالح حاکم لری ، خرج تعرفه سی کی قوانین و نظامات خصوصیه عائد مسائل و دعاوی ایله اصول محاکمات جزائییه تک متفرع اولدینی بالجمله مباحثک تطبیقاتی ایفا اولونا جکدر .

اون یدنجی ماده — معلمل درسخانه بی مداوم افندیلره عائد بر دفتر طوتارق قادر و هیئتندن مثلا طرفینک سرد و اتیان ایلدیکی ادعا و مدافعانک موضوع مسئله بی درجه تماسنده و رئیسک محکمه بی اداره و مسائل قانونیه بی تخصیص و قرار محکمه بی تقرریده و اعضانک مسائل مذکوریه مترتب احکام حقنده کی رأی و مطالعه لرنده کوستره جکلری اقتداره کوره نومرولر تقدیر و طلبه تک سعی و اقدامی و اخلاق و اطواری حقنده کی مشاهداتی دخی باشقه جه درج و تحریر ایده جکلر و بونو طار ختام مدته نظر دقته آلا جکدر .

اون سکزنجی ماده — معلمل درس اثنا سنده مناسبت دوشدکجه طلبه تک ایلریده ناسک حقوق عمومیه و شخصیه سنه و مال و جان و عرض و وجدانه حاکم اولاجکلری جهته و وظیفه قانونیه و انسانیه لرینک درجه قدسیت و اهمیتنی ایضاح و تصویر ایله برابر حاکم لری حائز بولونمالری لازم کلن اوصاف و سیرت و حسن حال و وضعیت حقنده و صایای مناسبه ایراد ایده جکلری کی آراصیرا دیگر ارباب علم و اقتدار طرفلرندن دخی مسائل قانونیه و اجتماعی و اقتصادی حقنده موعظه لر ترتیب و اعطا قیلنه جکدر .

۵

— محاکم و درارده طرز مساعی —

اون دو قوزنجی ماده — مواد سابقه و جهله دوائر عدلیه بی دوام ایده جک افندیلر اودائرته تک موظف کتبه اصلیه سی کی صورت منتظمه ده دوام و امور مصالحک کافه شعبات و صفحاتیه بالفعل اشتغال ایدرک وظیفه مودوعه لرینی حسن ایفاءه مجبوردرلر .

دوائر رؤسای ملازم افندیلرک کوستره جکلری اهلیت علمیه و تحصیلیه لرینی و دوام مدتجه مشاهده اولونان اخلاق و اطوارلرینی و درجه سعی و اقداملرینی و اؤ زیاده استعداد ابراز ایتدکری شعبه اموری تنظیم ایلنه جکلری راپورده قید و تصریح ایده جکلردر .

ولوکه لمعذره اولسون دوام ایتمه یه نلر عدم دوام لری مدتی تطبیقاتدن صوکرما کمال مجبوریتده درلر .

یکرمیجی ماده — درسخانه تطبیقاته دواړك مدت تدریسه و دوامیه سی ختامی متعاقب نهایت بر هفته طرفنده هیئت تفتیشیه طرفندن هر بر افندیك درسخانه و دواړه دوام و عدم دوام مدتلی حقنده تنظیم اولونا جق جدول مقام نظارته ویریه جك و تصویبه اقتران ایتدكدن صوكرا سالونه تعلیق قیلنه جقدر . هیئت تفتیشیه جه تدقیقات صیراسنده برکونا معذرت ادعاسی واوراق مثبت قبول اولونا جقدر .

۶

— امور اداره و تحریر —

یکرمی برنجی ماده — مکتب حقوق مآذونلرینك درسخانه تطبیقاته ، محاکم و دواړه صورت دواملری نظارتك مراقبه فعلیه سی تحتنده بولونمق اوزره معاملات عمومیه سنك تدقیقی هیئت تفتیشیه معرفتیه اجرا اولونا جق و معاملات تحریریه و تفرعات اداره سی دخی هیئت مذکور دنك تحت نظارت و مسئولیتنده بولونمق اوزره هیئت تفتیشیه قلمی کتبه سندن بوخصوصه تخصیص اولونا جق افندیلر طرفندن ایفایدیه جقدر .

یکرمی ایکنجی ماده — هیئت تفتیشیه مراقبه سندن متحصل نتایج و مطالعاتی آلتی آیده بر آیری آیری راپورلره نظارته بیان ایده جك واشبو راپورلر ك طلبه افندیلر ك مکتسبات ذاتیه لرینه عائد جهاتی نظارتجه تصویبه اقتران ایتدیکی تقدیرده تنظیم درجاده نظر اعتباره آ لنا جقدر .

یکرمی اوچنجی ماده — هیئت تفتیشیه جه دخول امتحاننده موفق اولان هر افندیك بر دوسیه سی تنظیم اولونور . دوسیه یی تشکیل ایده جك اوراق :

- ۱ — خدمت عدلیه یه دخول طلبی متضمن عرفحال
 - ۲ — تذکره عثمانیه صورتی و فوطوغراف
 - ۳ — مکتبدن مآذونیتی متضمن وثیقه صورتی
 - ۴ — تحریری و شفاهی امتحان نومرولرینی محتوی ورقه
 - ۵ — هر افندیك صیراسیله هانکی دواړه هانکی تاریخچه قدر دوام ایده جکنی متضمن پروغرام .
 - ۶ — پروغرام موجبجه افندیلر ك دوام ایتدیکی دأر لرده صیراسیله اکال وظیفه و تطبیقات ایلدیکنه دأر و نائق .
 - ۷ — درسخانه تطبیقاته کی درجات و نتایج مساعی حقنده هیئت تفتیشیه یه وارد و لدی الحاحه اوزات حقنده هیئت تفتیشیه دن صادر اولاجق و نائق .
 - ۸ — تطبیقات مدتیجه خسته لق و دوام سزلق کبی تگون ایده جك حادثات متنوعه یی متضمن اوراق .
 - ۹ — موفقیتله اکال تطبیقات اولوندیغنی مین اهلیتنامه
- اشبو دوسیه ختام تطبیقاتی متعاقب نظارت سـجل مأمورین قلمنه تودیع قیلنه جقدر .

۷

— ختام تربیات و تطبیقات : اهلیتنامه —

یکرمی دردنجی ماده — اکال ملازمت و تطبیقات ایدن افندیلر بیننده دخی آتیده کی اساسلره مبتنی اولارق درجه و رجحان اعتبار اولونا جقدر . اساسات مذکورده :

- ۱ — مکتب حقوق شهادتنامه سی درجه سی
 - ۲ — قبول امتحانی درجه سی .
 - ۳ — هیئت تفتیشیه نك اوتوزنجی ماده یه توفیقاً ویره جکی راپورلر مندرجاتی .
 - ۴ — دواړ رؤسا و میزلیرنك افندیلر ك درجه اقتدار و اخلاق و اطوارلری حقنده کی راپورلری مندرجاتی
 - ۵ — تطبیقات درسخانه سی معلملرینك ویره جکی راپورلر
- یکرمی بشنجی ماده — ماده سابقه یه مستنداً هیئت تفتیشیه جه تنظیم اولونا جق جدول مقام نظارته ویریه جك واشبو جدولده کی ترتیب افندیلر ك مأموریته تعیینلری صیراسنده انجمن تفریقجه نظره آ لنا جقدر .

۸

— موارد انضباطه —

یکرمی آلتنجی ماده — طلبه افندیلر حقنده انضباطه متعلق اتخاذ ایدیه جك معاملات و تدابیر انتباهیه بوجه آتیدر :

- ۱ — اخطار
 - ۲ — توبیخ
 - ۳ — تأجیل دوام
 - ۴ — تنقیص قدم
- اخطار جزاسی معلمك تنسیب و اشعار تحریریبی اوزرینه هیئت تفتیشیه دن بر ذات طرفندن افندی یه حرکتك عدم تکرری لزومك بیانندن عبارتدر .
- توبیخ جزاسی کذلک ینه معلمك تنسیب و اشعار تحریریبی اوزرینه دوجار توبیخ اولان افندی یه هیئت تفتیشیه حضورنده حرکتك شایان توبیخ اولدیغك علناً بیانندن عبارتدر .
- تأجیل دوام جزاسی افندیك هیئت تفتیشیه طرفندن تعیین اولونا جق بر مدت ظرفنده درسخانه تطبیقاته دوامدن محرومیتنی منتج بر معاملهدر .
- تنقیص قدم جزاسی مستقبلاً احراز ایلیه جکی مأموریتده کی قدمدن بر مدت معینه نك تنزیل اولماسیدر .

سنہ تدریسیہ ظرفندہ اوچ دفعہ اخطار برتویی، اوچ توبیخ هیئت تفتیشیه جه تعیین اولوناجق بر مدت ظرفندہ تأجیل دوامی وایکی تأجیل دوام هیئت مذکورہ طرفندن تقدیر اولوناجق مدتلہ تنقیص قدیمی مسئلہ مدر . معلمه اطاعتسزک ودرس آتسانده مصرآ سکوت وانتظامی اخلال کبی حرکتلردرجه اهمیتلرینه کوره برنجی دفعه وقوعنده اخطار ویا توبیخ جزاسی و تکرری حالنده تنقیص قدیمی مسئلہ مدر . یکر می یدنجی ماده — انضباطه متعلق خصوصاتده در میان ایدیه جک شکایات تحریری اولارق وقوع بولاجق و هیئت تفتیشیه لاقبل اوچ ذاتن مرکب اولدینی حالده مشکی اولان ذات داخل بولنمقسنین اومسئله حقنده مذاکره وقرار اتخاذ ایلیه جکدر . شو قدرکه تنقیص قدم و تأجیل دوامده اتفاق آرا شرطدر .

ماده موقته — بوسنه نك تطبیقاتنه مخصوص اولوق اوزره قید معامله سی اشبو تعلیماتنامه نك تاریخ اعلانندن اعتباراً بیک اوچیوز اوتوز سنه می مارتی نهایته قدر دوام ایده جک و امتحانلره نیسان آینده باشلانیا جکدر . کذلک ینه بوسنه یه مخصوص اولوق اوزره تطبیقات درسلی بازار، صالی و پنچشنبه کونلری ویریه جکدر .

تحریری امتحانک صورت اصراسنی مبین تعریفنامه

- ۱ — امتحان سالونه داخل اولان هرافندی قید معامله سنک ایفا ایدیلدیکنی ناطق پوصله یی مأمور مخصوصنه ابراز ایده جکدر . طلبه نه یکدیگریله ونه خارجه مناسبده بولونما یاجق طرزده اقعاد و امتحان سالونه یا هیئت میزه ویا طرفندن منتخب بر ذات ایله جانب نظارتدن مأمور دیگر ذات طرفندن اجرای نظارت اولوناجقدر .
- ۲ — اقدیلرک یاننده یالکز هیئت میزه نك مساعده ایده جکی متون قوانین بولونابیله جکدر .
- ۳ — اقدیلرک توزیع اولوناجق اوراق امتحانیه مهر رسمی ایله مصدق اولاجقدر .
- ۴ — هر سؤالک جوابلری آیری آیری ورقلره یازیلاجقدر .
- ۵ — اسم پوصله سی و ظرفلر اولجه اوراق امتحانیه ایله برابر اقدیلرک توزیع ایدیلش بولوناجقدر .
- ۶ — نامزدلر اسملری وقید ورقله سی نومرولری اوقوناجق صورتده بر پوصله یه یازده جقلر و کوچوک بر ظرف درونسه قویارق ظرفی کندیلری قاپایاجقلردر . اشبو کوچوک ظرف ایله اوراق امتحانیه یی آریجه بر بویوک ظرفه وضع ایله قنادقن صوکر مأمورین مخصوصنه تودیع ایده جکلردر .
- ۷ — کرک اوراق امتحانیه و کرک قاپانان ظرفلر امضا و نومرودن وهویت ارئه ایده بیلمسی شبهه سی داعی هر درلو اشارات خصوصیه دن عاری اولاجقدر . عکسی تقدیرده نامزدک اوراق امتحانیه سی هیئت تفتیشیه طرفندن بعد المذاکره ابطال ایدیه جکدر .

خصوصات مذکورہ امتحانہ ابتدار اولونمازدن اول اقدیلرک شفاه و مؤکداً تبلیغ اولوناجقدر .

۸ — جمع ایدیلن بویوک ظرفلر هیئت تفتیشیه جه آچیلارک هر بر بویوک ظرفدن ظهور ایدن اوراق امتحانیه ایله کوچوک ظرفک اوزرینه یکدیگری نك عینی اولوق اوزره برر نومرو قوناجق و کوچوک ظرفلر بالتفریق آریجه حفظ اولونارق اوراق مذکورہ میزله کوندریه جکدر . نومرو واسم ویا خود داعی شبهه اشاراتی حاوی اولان اوراق در حال تفریق و فتره سابقه یه توفیقاً هیئت تفتیشیه قراریه ابطال اولوناجقدر . میزله هر سؤالک نومرولری آیری آیری اوراق امتحانیه اوزرینه قید ایده جکلر و ختام تدقیقاتده اوراق مذکورہ یی مأمورین مخصوصه سنه تودیع ایده جکلردر .

۹ — اوراق امتحانیه هر بر شعبه علومه عائد سؤالر طاقم طاقم آیرلدقن صوکر هیئت میزه یه تودیع اولوناجق و مجتمعاً جلسه خفیه ایله تدقیق ایدیه جکدر .

۱۰ — اوراق امتحانیه نومرولری مأمورین مخصوصه سی طرفندن نومرو صیراسیله بر جدول مخصوصه قید و یگونلری دخی اشارت قیلندقن صوکر هیئت تفتیشیه جه کوچوک ظرفلرک کشادینه باشلاناجق و هر ظرفک اوزرینه موضوع نومرونک مقابلی اولان اوراق امتحانیه نومرولری حداسنه اقدینک اسمی وقید نومروسی یازیلاجقدر .

۱۱ — شو صورتله امتحان نتایجی آکلاشلش اولاجقندن یدنجی ماده موجبجه اعلان ایدیه جکدر .

محکمہ تحریری

محکمہ تحریر هیئت عمومی تحریری

محکمہ تحریر هیئت عمومی سنه ۵ شباط سنه ۳۲۸ تاریخی و ۳۳۷۰ نومرولی اعلام صورئدر :

« محکمہ تمیزک تبیین مرجع حقنده کی ویردیکی قراره محکمہ عائده سنک حق اصراری یوقدر »

در سعادت استیناف محکمہ سی جنبه دائره سندن تنظیم واعطا و محکمہ مذکورہ مدعی عمومیلکی جانبندن مدت قانونیه سی ظرفنده تمیزاً تدقیق طلب قلنان ۱۰ تشرین اول سنه ۳۲۸ تاریخی اعلام و متفرعاتی باش مدعی عمومیلک مأموریت علیه سنک ۳۰ کانون اول سنه ۳۲۸ تاریخ و اوچ بیک ایکی یوز اوتوز اوچ نومرولی تبلیغنامه سیله برلشدیریلرک محکمہ تمیزک هیئت عمومی سنه ۵ شباط سنه ۳۳۷۰ نومرولی اعلام مذکورک اصراری متضمن

اولدینی اتفاقیه تحت قراره التدقین صکره اساس ماده حقنده تدقیقات تمیزیہ اجراسنه ابتدار ایدلدی .
اعلام مذکورک خلاصه مالی محمد افندی به اطاله اسان و اخافه قصدیه تشهرسلاح ایتدیکی ادعا اولنان
ابراهیم اوغلی محمد علی افندیکن یکرمی کون حبسنه دائر غیاباً ویریلان اعلام علیهنده اعطا قلنان اعتراض
استدعایه سنک مرور مدتدن ناشی ردی حقنده قلعه سلطانیه بدایت محکمه سندن اعطا قلنان اعلامک فسخیله
دعوائی واقعنک احکام قانونیه دائره سندنه اعتراضاً رؤیتی ضمننده اوراقل محکمه مذکوریه اعاده سنه
مذکور استیناف محکمه سنجه قرار ویرلمش و ذکر اولنان بدایت محکمه سنجه دخی اعلام ابتدائینک محکمه
استینافیه جه فسح ایدلدیکی حالده نتیجه حکمیه دخی او محکمه یه عائد و دعوائی مذکورنک رؤیتی محکمه نک
صلاحیتدن خارج ایدوکی بیانیله اوراق دعوائک محکمه عائد سنه ارسالی تحت قراره التمش اولسندن ناشی
مقررات مذکوریه بیننده شو وجهله حاصل اولان اختلافک حلی ضمننده اوراق متعلقه لاجل التمیز کوندلمش
و محکمه تمیز استدعا دائره سنجه دخی مظنون ابراهیم اوغلی محمد علی افندیکن حرکت مثبت سندن طولای
یکرمی کون حبسنه قرار ویرلمش و محاکم ابتدائیه دن صادر اولان بوقیل مقرراتک درجه ثانیه محکمه سنجه
فسخی حالده اصول محاکمات جزائییه قانوننک یوزطقسان یدنجی ماده سنک صراحتی دائره سندنه اساس دعوائک
بالرؤیه اعلامه ربطی مقتضی اولوب بعدالفسخ ایشک تکرار محکمه بدایتیه سوقی غیر جائز بولمش ایدو کندن
بجمله قرار ابتدائی مذکوردن طولای اقامه اولنان استیناف دعوائسک امر تدقیقات و محاکماتی اکمال اولنق
اوزره اوراق دعوائک استیناف محکمه سنه اعاده اولنمی اوزرینه محکمه استینافیه ده تکرار اجرا قلنان محاکمه
نتیجه سندنه هر نه قدر حکم ابتدائینک اصولاً فسخی حالده استینافاً تدقیقات اجراسیله دعوائک برقراره ربطی
مقتضیات احکام قانونیه دن ایسه ده مدت اعتراضیه نک مرورینه مبنی اعتراض علی الحکم استدعایرینک ردینه
دائر بدایتیه صدور ایدن بوقیل اعلاماتک عندالاستیناف معامله تبلیغیه نک یولسر لغندن طولای فسخی تقدیرنده
حق اعتراضک مصونیتیه کوره حکم غیابینک اعتراضاً تدقیقی لازم کلرک بوده محکمه بدایتک جمله وظائفندن
بولنسنه و مع هذا محاکم ابتدائیه نک مقررات استینافیه یه قارشو حق اصراری حائز اولماسنه نظراً محکمه
بدایتک بوجهتی نظر تأمله الهرق دعوائی اعتراضاً رؤیتیه مجبوریت قانونیه سی درکار ایکن بوقطه دن زهول
ایدرک قرار استینافی یه امثال ایتمامی اصول و قانونه مغایر ایدوکی بیانیله حکم سابق استینافیه اصرار
ایدلسنه قرار ویرلدیکی متضمندر .

لایحه تمیزییه ده استیناف محکمه سنک قرار سابقده اصرار اولنمی متضمن اولان اعلامنک جهت حکمیه سنک
مستند بولندیغی اسباب موجب احوال و طرق عادیه ده یعنی اعلام استینافینک عادیاً تقضی حالده وارد اوله بیلور
ایسه ده اصول محاکمات جزائییه قانوننک تعیین مرجعه متدائر اولان فصلنک احکام عمومیه سندن استنباط
اولندیغنه نظراً محاکم استینافیه نک تعیین مرجع صورتیه محکمه تمیز استدعا دائره سندن صادر اولان اعلامه
قارشو حق اصرار لری اوله میه جنی درکار بولندیغی حالده بوجه محرر اتخاذ قرار اولنمی مخالف اصول و قانون

اولدینی بیانیله قرار مذکورک تقضی طلب اولنمش و تبلیغنامه ده دخی اعتراضات واقعنه نک وارد ایدوکی
بیانیله اعلام استینافینک تقضی لزومی کوسترلمشدر .
ایجابی لدی المذاکره محکمه تمیز استدعا دائره سندن تعیین مرجع صورتیه صادر اولان اعلامه قارشو
محکمه عائد سنک حق اصراری بولمادیغندن اصول محاکمات جزائییه قانوننک اوچوز قرق التنجی ماده سی
منطوقنجه ذکر اولنان در سعادت استیناف جنجه محکمه سنجه استدعا دائره سنک قرار سابق وجهله دعوائی
واقعنه نک رؤیت و تدقیقی ضمننده مذکور اصرار قرارینک تقضیه اوراق متعلقه سنک محکمه مذکوریه
اعاده سنه و ایکی یوزغروش اعلام خرجنک تعرفه و تعلیمات مخصوصه سنه توفیقاً ایلروده حقسز چیه حق طرفدن
استیفاسنه ۱۰ کانون ثانی سنه ۳۲۸ تاریخنده متفقاً قرار ویرلدی .

محکمہ تمیز حقوق در مجرای

محکمہ تمیز حقوق دائره سندنه صادر اولان ۲۵ اغستوس سنه ۳۲۹ تاریخلی ر ۱۳۸۱ نومرولی اعلام صورته در :
« مکفولله غیر معلوم اولدینی تقدیرده بو خصوصده کی کفالت غیر صحیحدر »

خراسان قضاسنه تابع یعقوبه قریه سنک تکیه محله سندنه مقیمان دولت علیه تبعه سندن چارشو پاسپانی
نصیف بن جاسم العمیری ایله بو یه جی نصیف بن جاسم بیننده متحدث دعوائیه دائر خراسان بدایت محکمه سندن
۳۰ نیسان سنه ۳۲۹ تاریخلی ویدی عددی ایله ویریلوب مرقوم پاسپان نصیف بن جاسم العمیری طرفندن تمیزاً
تدقیقی استدعا قلنان اعلام باش مدعی عمومیک مأموریت علیه سنک مطالعه نامه سی التدقین صکره طرفینک
اعتراض و جواب لایحه لریله برابر بالمطالعه تدقیقات تمیزییه اجراسنه ابتدار قلندی .

اعلام مذکور مندرجاتنه نظراً مرقوم نصیف بن جاسم ایله پاسپان نصیف العمیری بیننده متکون دعوائک
جریان ایدن محاکمه غیابیه سی نتیجه سندنه مرقوم نصیف بن جاسمک لایلاً قیوسی قیریلهرق برصندوچه دروننده
یکرمی مجیدی و بر لیرا و اوچ منکنه و قرق یدی بشلک قیمتنده تل بویه سی سرقت ایدلمش و با تعهدنامه
چارشونک محافظه سنه مأمور نصیف العمیرینک تضمینی اقتضا ایده جکی مجلس اداره قراری ایجابندن بولنش
اولدیغندن بجمله مبلغ مذکورک مع مصارف محاکمه تحصیل دعوائی اولوب فی الحقیقه بکچی مرقومک چارشوده
وقوعبوله جق هر برسرقتک بلدییه جه وقوعی اکلاشلدیغی و قناعت حاصل اولدیغی و عیناً چیقاریله مدینی حالده
بدلاً تضمیننه متعهد بولندیغی دائره بلدییه دن جلب و قرائت ایدیلان مقاوله سندی مفادندن اکلاشلدیغی کبی
مبلغ مذکورک سرقت ایدلدیکی دخی پولیس و بلدییه دائره سنک درکنار لری و مجلس اداره جه مدعینک اجرا
قلنان تحلیفیه ثابت اولهرق تحصیلنه قرار ویرلدیکی مجلس اداره نک جلب ایدیلان قرارندن مستبان اولمسنه بناءً

ادعا اولنان يكرمی یدی مجیدی و برعین لیرا و اوچ منكنه وینك اثمانی اولان قرق یدی بشلكك یوز یكرمی ایکی غروش مصارف محاکمه ایله برابر بکچی مرقومدن تحصیلي حقنده صادر اولان اعلام غیانی حکمینه محکوم علیه مرقوم طرفندن عدم قناعتله تقدیم ایدیلان اعتراض علی الحکم استدعا ی اوزرینه جریان ایدن محاکمه و تدقیقات و جاهیه نتیجه سنده كرك اعتراضنامه ده و كرك حضور محکمه ده حکم مذکور ی جرح و ابطال ایده بیله جك برمدافعه قانونیه درمیان اولنه مامسنه مبنی ردیه حکم غیابینك تصدیقه قرار ویرلدیکی اكلاشلمشدر .

مستدعی تمیز طرفندن ویریلان لایحه ده کندیسی چارشوده پاسبان بولندینی جهتله و قوعبوله جق سرقتلردن تحصیل ایدن ضرر ك تأدیه سنی تعهد ایتش اولسنه بناء جزا محکمه سنده جزا و تضمیناتك تحصیلنه حکم اولندقدن صکره مشكینك حقوق محکمه سنده مراجعتی مقتضی ایکن رأساً حقوق محکمه سنده مراجعت ایلسی و بویه سرقتدن متولد بر دعوانك محکمه عاذه سنجه فیصل پذیر اولدقچه حقوق محکمه سنجه حکم ویرلسی مخالف قانون اولدیغندن بختله اعلامك نقضی و لایحه جوابیه ده دخی موافق اصول و قانون اولان اعلام ابتدائینك تصدیقی طلب واستدعا قلمش و آنف البیان مطالعه نامه مفادی ده دعوا ی واقعه علی العاده تضمینات ادعاسندن عبارت اولسنه نظراً لایحه تمیزیه ده عدم وظیفه حقنده سرد ایدیلان اعتراضك غیروارد بولندینی بیانندن عبارت بولنشدر .

ایجابی مذاکره اولندقدن هر نه قدر خصوص مدعا بوجه بالا حکم و قراره ربط اولنش ایسه ده محکمه جه مدار حکم اتخاذ ایدیلان و کفالتنامه ماهیتده بولسان ورقه ده مکفول له مجهول اولوب مجله نك التي یوز اوتوزنجی ماده سی حکمینه ده مکفول لهك معلومیتی شرط اولدیغنه و بومسئله ده مکفول له مجهول و بناء علیه کفالت غیر صحیح ایدوکنه مبنی مذکور کفالتنامه ایله مدعی علیه مؤاخذه ایجاب ایتز ایکن محکوم ایدلسی یولسز و مغایر قانون اولدیغندن اصول محاکمه حقوقیه قانوننك ایکی یوز قرق برنجی ماده سی موجبجه اعلام مذکور ك نقضیه قانون مزبور ك ایکی یوز قرق دردنجی ماده سی حکمینه توفیقاً کیفیتك وجه مشروح دائره سنده تکرار بالرؤیه اعلامه ربطی ضمننده محکمه مذکوریه اعاده سنده واشبو تمیز دعوان طولانی اختیار اولوب زیرده مفردات و معطیسی محرر مصارفك دخی ایلورده حقینر حقیقه جق طرفه عاذه اولسنه ۲۵ اغستوس ۳۲۹ تاریخنده اتفاقله قرار ویرلدی .

حکمه تمیز حقوقه دائره سنده صادر اولان ۲۲ نبرابر اول ۱۳۲۹ : ایخی ر ۱۸۹۲ نوروزی اعلام صوتیر :

« وظیفه اعتراضك اثنای تدقیقه مدعی عمومینك حضوری شرطدر »

صیدا قصبه سنده مقیمان رفعت قدوره افندی ایله تجار دن اسماعیل بدوی نصار افندی بیننده متحدث دعوایه دائر صیدا بدایت محکمه سندن تجارت صفقی و ۲۴ ایلول سنه ۳۲۸ تاریخ ی و یكرمی درت عددیه

ویریلوب مومی الیه رفعت قدوره افندی طرفندن تمیزاً تدقیقی استدعا قلنان اعلام باش مدعی عمومیلک مأموریت علیه سنك مطالعه نامه سی الندقدنصکره طرفینك اعتراض و جواب لایحه لریله برابر بالمطالعه تدقیقات تمیزیه اجراسنه ابتدار قلندی .

اعلام مذکور مندرجاتنه نظراً مزبور اسماعیل بدوی افندی محکمه مذکوریه باعرخحال مراجعتله مومی الیه رفعت قدوره افندی دتمنده برقطعه قامیال موجبجه الاجبی اولان اون بش بیک اوچ یوزاون التي غروش اوتوزپاره نك مع فائض واجرت وکالت تحصیلنی طلب و دعوی و مبحوث عنه قامیالی ابراز و اعطا و مدعی علیه قدوره افندی دخی مدعی اوستریا و مجارستان حکومتك ویس قونسولوس اولدیغندن رؤیت دعوایه محکمه نك وظیفه دار اولدیغنی و مبرز قامیال اوزرینه موضوع امضا مجهولی بولندینی بیان و افاده ایلمری اوزرینه محاکمه جه وظیفه اعتراضك ردیه قامیال زیرینه موضوع امضا حقنده تطبیقات اجراسی ضمننده کیفیت اهل خبریه حواله اولندقدنصکره جریان ایدن محاکمه و تدقیقات نتیجه سنده مبرز قامیال زیرینه موضوع امضا مدعی علیه امضاسی اولدینی مخبرل طرفندن اجرا قلنان تدقیقات و تطبیقات نتیجه سنده تحقق ایتش اولسنه مبنی مبلغ مدعاهك بیک ایکی یوزالی غروش اجرت وکالتله برابر مدعی علیه تحصیلنه قرار ویرلدیکی اكلاشلمشدر .

اشبو قرار علیه نده تمیز طرفندن اعطسا اولنان لایحه ده ؛ وظیفه محکمه حقنده درمیان ایلدیکی ادعا اوزرینه مدعی عمومینك مطالعه سی التماسی یولسز و مغایر قانون اولدیغندن و اسباب سائر دن بختله اعلامك نقضی و جواب لایحه سنده ده اعتراضات مسروده نك ردیه موافق قانون اولان اعلام مذکور ك تصدیقی طلب و استدعا اولنش و آنف البیان مطالعه نامه مألیده وظیفه محکمه حقنده درمیان اولنان اعتراض اوزرینه مدعی عمومینك مطالعه سنك التماسی حقنده لایحه تمیزیه ده سرد اولنان اعتراضك وارد ایدوکی بیانندن عبارت بولنشدر .

ایجابی مذاکره اولندقدن : خصوص مدعا هر تقدیر بوجه مشروح بالرؤیه اعلامه ربط اولنش ایسه ده وظیفه اعتراضك اثنای تدقیقه مدعی عمومینك حضوریله مطالعه سنك استماعی تشکیل محاکموننك التمش بشنجی و یتش برنجی ماده لری اقتضاسندن بولندینی حالده مأمور مومی الیهك استماع ایدلماسی و مستند ادعا اولنان سندده جهت دین بیان ایدلمدیکی جهتله امره محرر سنداتدن عد اولنه میه جی و شو حالده دعوی واقعه نك رؤیتنه تجارت محکمه سنك وظیفه دار اولسی ایچون مدعی علیهك صفتك تدقیقی ایجاب ایدر ایکن ایدلماسی واجرت وکالتك وکیلک بولندینی محاکمات ایچون تعرفه مخصوصه احکامنه توفیقاً حکم ایدلسی مقتضی بولندینی حالده علی الاطلاق بیک کسور غروشك تحصیلنه قرار ویرلسی مخالف قانون اولدیغندن اصول محاکمه حقوقیه قانوننك ایکی یوز اوتوزایکی و ایکی یوز قرق برنجی ماده لری موجبجه اعلام مذکور ك نقضیه ایکی یوز قرق دردنجی ماده سی حکمینه توفیقاً کیفیتك صورت محرره دائره سنده مجدداً بالرؤیه اعلامه

رابطی ضمننده محکمه مذکوریه اعاده سنه و زيرده مفردات و معطيسي مصارف تميزيه نك ايلروده حقسنز
چيقه جق طرفه عائد اولسنه ۲۲ تشرين اول سنه ۳۲۹ تاريخنده متفقاً قرار ويرلدى .

محکمه تميز حقوق داره سنه صادر اولاره ۱۰ تشرين ثانی سنه ۳۲۹ تاريخی ۱۸۳۰ نومردی اعلام صورتيه:

« سند مدتك مرورندن صكره جيرو ايداش اولديني حالده حاملك صفتي قبض دينه
وكالتدن عبارت اولوب اقامه ايده چكي دعوى اصل دايين نامنه اولوق مقتضى در »

اورله نك سفللا محله سنده مقيم مصرلى ديمتري ايله بغچهلى محله سنده ساكن تبعه يونانيه دن يوركي
قالوپوطيدى بيتنده متحدث دعوايه دائر اورله بدايت محكمه سندن ۲۱ تموز سنه ۳۲۸ تاريخى ويكرمى اوچ
عدديه ويزيلوب مزبور ديمتري طرفندن تميزاً تدقيقى استدعا قلنان اعلام باش مدعى عمومىك مأموريت
عليه سنك مطالعه نامه سى اندقدن صكره طرفينك اعتراض وجواب لايحه لريله بالمطالعه تدقيقات تميزيه اجراسنه
ابتدار قلندى .

اعلام مذکور مندرجاتنه نظراً مرقوم يوركينك محكمه مذکوريه مراجعتله برقطعه امره محرر سندن
موجبجه جهت حواله دن مزبور ديمتري ذمتنده الاجبى اولان اون ليرانك تحصيلي حقه اقامه ايلديكي
دعوانك عينا سبق ايدن محاكمه و تدقيقاتي نتيجه سنده مدعينك بروجه محرر مدعى عليه ذمتنده اون ليرا
آله جنى اولديني مبرز سند زيرينه مدعى عليه مرقومك يازى بيلماسى حسبيله استاوروز اشارتى وضع ايلديكي
كورلسنه بناء مذکور سندنده محرر اولوب اقامه واستماع اولنان شاهدلرك شهادتيله تحقق ايتسنه بناء مبلغ
مزبورك مدعى عليه دن تحصيلنه دائر ويزيلان اعلام حكمنه مدعى عليه ديمتري طرفندن اعتراض اولمغله جريان
ايدن محاكمه و تدقيقات نتيجه سنده هر نه قدر معترض طرفندن مستند ادعا اولان دين سندنك مدعى به حواله
اولديغندن كندوسنك خبر و معلوماتى اولديغنى و كيفيت محليه نك كتاب الحواله سنده مندرج احكامه مغاير
اولوب حواله بوجهته ناقص و ناتمام قالدیغندن دعوانك ردی واصل دايينك اقامه دعوى ايتسى ايجاب
ايده چكي ادعا اولمقده ايسه ده محله نك آلتیوز سكسان برنجى ماده سنده محال ايله محال عليه بيتنده عقد حواله
صحیح اوله جنى محرر بولمسنه و مارالذكر حواله دخى ماده مذکور احكامنه بوفيق ايدلمش اولمسنه بناء
معترض عليهك بوكا متدائر اولان مدافعات مسروده سى احكام قانونيه به مطابق و معترضك اعتراضات واقعه سى
غير وارد بولمش و حكم اولى جرح و ابطال ايده چك بشقه جه اعتراضات مقبوله درميان ايده مامش بولمسنه
مبنى اعتراض استدعاسنك رديله حكم ابتدائى مذکورك تصديقه قرار ويرلديكي آكلا شلمشدر .

اشبو قرار عليهنده مستدعى طرفندن اعطيا اولنان لايحه ده : محله نك التیوز یتش در دنجى ماده سى
حكمنجه محلك مديون اولسى اقتضايده چكنه و كچه آلتیوز سكسان برنجى ماده موجبجه يالكنر محال

ايله محال عايه بيتنده عقد حواله اولنه بيلور ايسه ده بونده احكام حواله جارى اوليوب محال لهك محال
عايى برنوع قبض دينه توكل ايتش ديمك اولسنه و قبضه وكالت حقوقه وكالتى مستلزم اولمامسنه بناء
سندك حامل مدعى يوركينك دعواى واقعه ده كندوسنه قارشو بركونا حق دعوى و خصوصتى اولمديني حالده
محكمه جه بالقبول حكم اولمسى يولسز و مغاير قانون اولديغندن واسباب سائرده دن بختله اعلامك نقضى و جواب
لايحه سى موداسيده اعتراضات مسروده نك غير وارد اولديني بيانيله ردی و موافق قانون اولان اعلام مذکورك
تصديقي طلب و استدعا قلنمش و انف البيان مطالعه نامه مألیده لايحه تميزيه ده وظيفه و صلاحيت مسئله سنه دائر
بركونا اعتراض درميان ايدلماش اولديني كى ذات دعوى و طرفينك صفتلري اعتباريله ده مسئله نك مأمور
يتلرينه تعلقي كوريله مامش اولديني بيانندن عبارت بولمشدر .

ايجابى مذاكره اولمقده كيفيت مدعا هر نه قدر برمنوال محرر بالرؤيه اعلامه ربط اولمش ايسه ده امره محرر
سندك مدتى بيك طقوز يوز سكر سنه سى ايلوك اون بشنده ختام بولديني حالده سنه مرقومه كانون ثابتنك
اون بشنجى كوني مدعى به جيرو ايدلديكي اعلامده محكي سندن آكلا شلمش وشو حالده مذکور سندنك
مرورندن صكره جيرو ايدلمش اولديغندن قانون تجارتك طقسان بشنجى ماده سى موجبجه حاملك صفتي قبض
دينه و كالتدن عبارت اولوب اقامه ايده چكي دعوى اصل دايين نامنه اولوق مقتضى بولمش ايكن دايين حقيقى
كندى اولديغنى ايتا و اشراپ ايده چك صورتده اقامه ايلديكي دعوانك قبول و بالرؤيه تحت حكمه آلمسى
يولسز و مغاير قانون اولديغندن اصول محاكمه حقوقيه قانوننك ايكیوز اوتوز ايكنجى ماده سى موجبجه
اعلام مذکورك تفصيله ايكیوز قرق بشنجى ماده سى حكمنه توفيقاً اصلاحاً و تصحيحاً اعلامه رابطى ضمننده
محكمه مذکوريه اعاده سنه و زيرده مفردات و معطيسي محرر مصارف تميزيه نك ايلروده حقسنز چيقه جق
طرفه عائد اولسنه ۱۰ تشرين ثانی سنه ۳۲۹ تاريخنده متفقاً قرار ويرلدى .

محکمه تميز حقوق داره سنه صادر اولاره ۱۰ تشرين اول سنه ۳۲۹ تاريخی ۲۱۹۸ نومردی اعلام صورتيه:

« مرور زمان حقه كى مدعیات حقه ده تدقيق و مبدأ و منتهای تعیین ایدیلدرک
وقوع وعدم وقوعه دائر بر قراره ربط ایدلک ايجاب ایدر »

قره حصار صاحبده مقيمون زراعت بانق شعبه سى اسبق محاسبه كاتبي متوفى دورند بيوك زاده بكر
افندى ورثه سندن مخدومى نجاتى افندى و كرىم سى امينه خانم و كفىلارى قارت قارت اوغلى محمد و زورنال
اوغلى صالح و قوروجى اوغلى حاجى على اغلاريله مذکور بانق شعبه سى بيتنده متحدث دعوايه دائر قره
حصار صاحب بدايت محكمه سندن ۱۵ اغستوس سنه ۳۲۹ تاريخى و يوز اوتوز ايكي عددى ايله استينافاً
ويرليوب مزبور نجاتى افندى و رفقاسى طرفلرندن تميزاً تدقيقى استدعا قلنان اعلام باش مدعى عمومىك

مأموریت علیه سئک مطالعه نامه سی التدقیق ذکره طرفینک اعتراض و جواب لایحه لریله بالمطالعه تدقیقات تمیزیه
اجرا سیه ابتدار قلندی .
اعلام مذکور مندرجاته نظراً مذکور بانق و کیلی طرفندن بولوا دیده بدایت محکمه سینه مراجعتله
متوفای مومی الیه بکر افندیکن ذمتنه کچیردیکی یکر می بر بیک سکزیوز آلتش درت غروشک ورثه سی الیه
کفیللرندن تحصیلی حقنده اقامه ایلدیکی دعوانک اجرا قلنان محاکمه و تدقیقاتی نتیجه سنده متوفای مومی الیه
اون اوچیک التیوز ایکی غروش ذمتنک متوفای مومی الیه ترکه سندن و عدم کفایه سی حالده کفیللری
مرقومون حاجی علی و محمد و صالح اغالردن تحصیلنه و متباقی حقنده برکونا و نائق و اوراق ابراز اولنه مدیغندن
بوجهت حقنده کی ادعانک ردینه دائر صادر اولان اعلام غیابینک عندالاستیناف تصدیقه دائر لاحق اولان
اعلامک مقدما تمیزاً بالتدقیق مستأنف زراعت بانقه سی و کیلی طرفندن استینافاً در میان ایدیلان اعتراضات
اعلام مستأنف بهک فسختی موجب اولدینی حالده استیناف محکمه سنده بوجهت نظر دقته المنقسزین و اعتراضات
مذکورده نك ردی اسباب قانونیه ایتدیرلمکسزین بوجه مشروح قرار ویرلمسی قانونه مغایرتندن
طولانی نقض و اعاده اولنسی اوزرینه محکمه مذکورده جه تمیز قرارینه بالاتباع بتکرار اجرای محاکمه
لدی الابتدار مذکور بانق و کیلی اوخانس افندی متوفای مومی الیه اوچیز بش سینه سنده تعیین اولنوب
اوچیز طقوز تاریخنده انفصال ایتمنه و اعلام مستأنف بهده موضوع بحث اولان محاسبه راپورنده مصرح
اولدینی اوزره متوفای مزبورک متباقی سکزیبیک ایکویز آلتش سکزیوز غروش اونپاره موجب تضمین بورجی
اولدینی حالده بمنزل طرفندن مبلغ مذکور رد ایدلمش اولدیغندن بختله ادعای سابقی وجهله مبلغ مزبورک
تحت حکمه آلتنسی طلب و ادعا وایکی قطعه اوراق الیه برقطعه کفالتنامه صورتی ابراز و اعطا ایتمنه قارشو
مدعی علیهمک و کیلیری دخی مبدأ دعوی اعتباریه تاریخ دعوایه نظراً دعوی واقعه ده مرور زمان اولدینی
و مبرز اوراق حکمه غیرکافی بولندیغندن و اعتراضات سائرده بختله اولبابده کی ادعانک ردینی طلب و در میان
ایتمش ایه ده اکیال محاکمه ضمنتده یوم معینده مدعی علیهم بالذات کلدکری کی و کیلیری دخی ورود
ایتمش لرینه مبنی غیاباً اجرا قلنان محاکمه و تدقیقات نتیجه سنده متوفای مومی الیه زمان مأموریتده مذکور
بانق قید رسمیسنه مستند یکر می سکزیبیک یدییوز آلتش یدی غروش اونپاره مصارف محاکمه صرفیاتنه
قارشو اون طقوز بیک اون طقوز غروش محکمه و زنه سینه تسلیم و بیک درتیوز سکسان غروشده بانق
مذکور جانندن قبول ایدلمش اولغله بالتزلی متباقی سکزیبیک ایکویز آلتش سکزیوز غروشک محل صرفی
مستأنف علیهم طرفندن کوسترلیه رک ذمتنده قالدینی اوراق مذکورده الیه ثابت اولسنه و مبرز کفالت سندی
صورتنده کفلاهی مرقومون کفیل اولدقلمی مندرج و اصولاً مصدق بولندیغندن بشقه مرقوموندن محمد
و صالح اغالر بدایه کفالتلری اقرار ایلش بولمنه بناءً بجهلنک آلتیوز قرق دردنچی و آلتیوز قرق بشنچی
و بیک سکزیوز اون یدنجی ماده لری احکامنه توفیقاً مدافعات مذکورده نك ردیه مبلغ مذکور سکزیبیک

ایکیوز آلتش سکزیوز غروش و مقدما حکم اولنان اون اوچیک التیوز ایکی غروشک مستأنف علیهمدن بالتحصیل
مذکور شعبه صندیغنه اعطاسنه و فائض حقنده کی ادعانک ردیه اعلام مستأنف بهک تعدیلاً تصدیقه غیاباً
حکم و قرار ویرلدیکی اکلشلمشدر .
تمیز مستدعیلرینک اعطا ایلدکلمی لایحه اعتراضیه ده و جاهاً جریان ایدن محاکمه اثناسنده و کیلیری
طرفندن وظیفه و مرور زمان حقنده در میان اولنان اعتراضاتک رد و یا قبولنه دائر بر قرار اتخاذ اولنماسی
و مبرز دفترک عیناً و یا خلاصهً اعلام تمیز بهه درجی مقتضی اولدینی حالده محکمه مذکورده جه بورالری تأمل
اولنقسزین برمنوال محرر حکم اولنسی یولسز و مغایر قانون اولدیغندن بختله اعلام مذکورک نقضی و جواب
لایحه سنده ده غیر وارد اولان اعتراضاتک ردیه موافق اصول و قانون اعلامک تصدیقی طلب و استدعا اولنمش
و مطالعه نامه مذکور مندرجاتی دخی لایحه تمیزیه ده وظیفه و مرور زمان و کفالت حقنده سرد اولنان
اعتراضات اعلام تمیز بهده مندرج اسباب موجهیه نظراً غیر وارد ایدوکی بیانندن عبارت بولمشدر .
ایجابی مذاکره اولندقدنه محکمه جه کیفیت بوجه محرر تحت حکمه آلتش ایه ده استیناف محکمه سنده
مدعی علیه بولسان بکر افندی ورثه سی الیه کفلاسینک مرور زمان حقنده کی مدعیاتی سکزیبیک غروش
حقنده تدقیق و مبدأ و منتهای تعیین ایدیلرک وقوع و عدم وقوعه دائر برقراره ربط ایدلمک ایجاب ایدرایکن
مجرد اعلام استینافی تمیز ایدنلر کندیلری اولمامسندن طولانی بوجهت حقنده کی مدافعله لری حقنده بر
قرار اتخاذ اولنماسی مخالف قانون اولدینی کی مجلس اداره دن مصدق اولدینی بیان ایدیلان بانقه دفترینک
مدعی علیهمی الزام ایده چک بر ماهیتی حائر اولسی متوفی طرفندن مذکور دفتر تنظیم ایدلمش و یا خود کندی
امضاسیله ممضی بولنق کی بر سببک موجود اولسی مقتضی بولنش ایکن محکمه جه بوجهت تأمل و مذکور
دفترک ماهیت الزامیه سی تفصیل ایدلمکسزین مذکور دفترک مدار حکم عدلیه بوجه مشروح قرار ویرلمسی
یولسز و مغایر قانون اولدیغندن اصول محاکمه حقوقیه قانوننک ایکویز اوتوز ایکنجی ماده سی موجبجه اعلام
مذکورک نقضیه قانون مزبورک ایکویز قرق دردنچی ماده سی حکمنه توفیقاً کیفیتک بالرویه اعلامه ربطی
ضمننده محکمه مذکورده اعاده سینه و اشبو دعوان طولانی اختیار ایدیلان مصارفک زیرده مفردات و معطیس
کوسترلمش اولغله بولنر کده ایلروده حقسز چیه جق طرفه عائد اولسنه ۱۰ کانون اول سنه ۳۲۹ تاریخنده
متفقاً قرار ویرلدی .

حکم تمیز مقرونه دائره مندره صادر اولنه ۱۴ کانون اول سنه ۳۲۹ تاریخ و ۲۲۶۸ نومردی اعلام صورتمیر:

« مدعیانک ابراز ایتش اولدینی سند تاریخه قدر بورجی اولدینی ادعا اولنان

مبالغه ایچون مدعی علیهمک طلبیه مدعیانک عدم کذب حقنده بجهلنک بیک بشیوز

سکسان طقوزنجی ماده سی موجبجه بین تکلیف ایدلمک لازمکلمیر »

قلعه سلطانیه قصبه سنده مقیمون بقال اصنافندن قوم قلعه لی حافظ یحیی افندی الیه تحیاردن دیمترکی

باطره و يوزكى صيانو بينده متحدث دعوايه دائر قلمه سلطانيه بدايت محكمه سندن تجارت صفى و ۲۷
حزيران سنه ۳۲۹ تاريخى و اوتوز اوچ عددى ايله ويريلوب مومى ايله حافظ يحيى افندى طرفندن تميزاً
تدقيقى استدعا قلنان اعلام طرفينك اعتراض و جواب لايحه ليله برابر بالمطالعه تدقيقات تميزيه اجراسنه
ابتدار قلندى .

اعلام مذکور مندرجاته نظراً مرقومان ديمتراكى پاتره و يوزكى صيانونك شاكر افندى كفالتيله
مومى ايله حافظ يحيى افندى ذمتده دقيق ائمانندن امره محرر بر قطعه سندن موجبجه الاجقلى اولان
اون بيك غروشك مع فائض مومى اليها شاكر و حافظ يحيى افنديلردن تحصيلي حقنده استحصال ايلدكلى
اعلام غيابة حكمنه مومى ايله حافظ يحيى افندى طرفندن بالاعتراض اجرا قلنان محاكمه و تدقيقات و جاهيه
نتيجه سندن معترض علميانك معترض مومى ايله ذمتده باسند يديوز سكسان غروش الاجقلى اولديغى
تصحيحاً دعوى ايتلمينه قارشو معترض وكيلى دخی کرچه مبرز سندده كى مهر موكلتك مهر ذاتيسى تاريخ
سنددن مقدم موكللى مذکور سندی و يردىكى تاريخ سنددن صكره یتش التى بيك يوز اون طقوز غروشك
دقيق المش ايسهده ثمنى كاملاً تأديه ايلديكى بيان ايله برابر معترض علميانك كندى حساب ادعالرنجه
سكسان درت بيك يدى يوز اوتوز اوچ غروشك اون و يرمش اولدقلى دفترلنده محرر اولديغندن
اولمقدار زياده و يردكلى اثبات ايتلى لازم كله جكنى مدافعه درميان ايتش ايسهده دعواى مذكوره
سند محتوياته منحصر اولديغندن سند مذکور تاريخندن مقدم اشترى ايلديكى دقيق ائمانته اولان مذکور
بشيك ايكوز سكسان ايكى غروش حقنده مجله نك بيك يدى يوز اوتوز التجى ماده سنك فقره اخيره سنه
نوفيقاً و درت بيك درت يوز طقسان سكر غروش حقنده دخی مجله مذكوره نك بيك سكر يوز اون
يدنجى ماده سنك فقره اوليسى احكامنه توفيقاً جمعاً مدعا به طقوز بيك يديوز سكسان غروشك مومى ايله
حافظ يحيى افندين بالتحصيل مدعيه اعطاسنه حكم و قرار و يردىكى اكلاشامشدر .

مستدعى تميزك اعطا ايلديكى لايحه تميزيه ده اساس دعوى بر قطعه اعتبار سندن مستند اولغله برابر
مذکور سند تاريخندن مقدم واشترى اولديغى بيان ايديلان و تحت انكارنده بولنان اوچبيك يدى يوز
اون يدى غروشك دقيق حقنده كى ادعا اصولاً ثابت اولديغى كى تاريخ سنددن صكره التديغى ادعا اولنان
درتيك دريوز طقسان سكر غروش حقنده بر كونا اقرارى بولندي حلاله محكمه مذكوره جه تدقيقات
لازمه اجرا اولقمسزين بر منوال محرر حكم اولمى يولسز و مغاير قانون اولديغندن بحثله اعلام مذکورك
نقضى و جواب لايحه سندنه غير وارد اولان اعتراضاتك رديله موافق اصول و قانون اولان اعلامك تصديق
طلب و استدعا اولمشدر .

ايجابى مذاكره اولدقده هر نه قدر محكمه جه كيفيت بروجه محرر تحت حكمه النمش ايسهده مدعينك
ايراز ايتش اولديغى سند تاريخنه قدر بورجى اولديغى بيان ايديلان بشيك ايكوز سكسان ايكى غروش

الچون مدعى عايلهك طليله مدعينك عدم كذب حقنده مجله نك بيك بشيوز سكسان طقوزنجى ماده سى
موجبجه يمين تكليف ايدلك لازم كلدكى كى سند تاريخندن صكره جريان ايدن اخذ و اعطايى مدعى عليه
مقر و معترف اولوب فقط او معاملاتدن طولاي ذمتنه ترتب ايدن دينك قسم اعظمى ادا ايتديكى سويلسنه
كوره بوجهتى اثبات ايدمديكى تقدريده بالطلب مجله نك بيك التيوز اوتوز ايكنجى ماده سنه توفيقاً بوبابده
مدعى يمين و يرمك ايجاب ايدر ايكى محكمه جه بودائرهده ايفاي معامله ايدلمكسزين بروجه مشروح قرار
ويراسى يولسز و مغاير قانون اولديغنه بناءً اصول محاكمه حقوقه قانونك ايكوز اوتوز ايكنجى ايكوز
قرق برنجى ماده لرى موجبجه اعلام مذکورك نقضيله قانون مزبورك ايكوز قرق درنجى ماده سى حكمنه
توفيقاً كيفيتك صورت محرره دائره سنده بالرؤيه اعلامه ربطى ضمنتده محكمه مذكوره به اعاده سنه و اشبو
دعوان طولاي اختيار ايديلان مصارف تميزيه نك زيرده مفردات و معطيسى كوستلمش اولغله بونلر كده
ايلروده حقسز چيقه جق طرفه حائد اولمسنه ۱۴ كانون اول سنه ۳۲۹ تاريخنده متفقاً قرار و يردى .

محكمة تميز جزا دائره سى مقرراتى

محكمة تميز جزا دائره سندن صادر اولدو ۲۲ كانون اول سنه ۳۲۹ تاريخى ۳۸۲۱ نومرولى اعلام صورتيه:

« فخرى اعضا ملازمى صفتيله هيئت حاكمه مپاننده هيچ بر كيمسه بولنه ماز »

منتفك سنجاجى بدايت محكمه سى جزا دائره سندن صادر اولان ۱۰ شعبان سنه ۳۳۱ و ۳ تموز سنه
۳۲۹ تاريخى واللى بر نومرولى اعلام ايله اوراق متفرعه سى باش مدعى عمومىك مأموريت عليه سندن
۲۵ ذى الحجه سنه ۳۳۱ و ايكى تشرين ثانى سنه ۳۲۹ تاريخى و اوچ بيك سكر يوز يكرمى نومرولى تبليغنامه
ايله محكمه تميز جزا دائره سنه اعطا قلمشدر .

اعلام مذکورك خلاصه مالى اوچ يوز يكرمى التى سنه سى جزيرانك سكرنجى كوفى ناصيره قصبه سنك
سويچ محله سنده ساكن زوجه سى سعيده بنت احمدك كيفيت قتلندن دولاي جنايتله اتهام اولسان كى باجى
عزيز بن حاجى محمدك محكوميته دائر ايكنجى دفعه و يريلان اعلام عندالتميز بعض اسباب قانونيه به مبنى
نقض ايله اعاده قلمسى اوزرينه اخيراً اجرا قلنان محاكمه عليه سى نتيجه سنده متهم مرقومك متهوراً فعل
قتل مذكوره جراتى شهودك شهادتى وضبط ورقه سى و طيب راپورى مندرجاتيله ثابت اولديغندن مجرميته
و حر كته توافق ايدن قانون جزانك يوزيتش درنجى ماده سنك فقره اولاسى حكمنه توفيقاً اون بش سنه
مدتله كوركه قولسنه ۳۰ حزيران سنه ۳۲۹ تاريخنده حكم اولديغندن عبارتدر .

اوراق دعوى بعدالمطالعه تدقيقات تميزيه اجرا اولدقده تشكيلات عدليه سى اكمال ايدلمان يزلده دخی محكمه

اعضاسيله اعضا ملازمه لری فی الجمله موظف اولدقلری حالده فیخری اعضا ملازمی صفیله میان هیئت حاکمه ده اثبات وجود ایلیان علی افندیکنک صفت فیخریه سی آ کلاشیله ماهش و تبلیغنامه ده بو جهته متعلق درمیان اولنان اعتراض وارد و بجا کورلمش اولدیغندن اعلام اخیر مذکورک دخی اصول محاکات جزایه قانوننک اوچیوز اون دردنجی ماده سنه توفیقاً نقضنه و احکام قانونیه دائره سنده ایفای معامله اولمق اوزره اوراقنک محله اعاده سنه و ایکوز غروش اعلام خرجنک ایاروده حقسنر حقیقه حق طرفدن تحصیلنه ۱۰ کانون اول سنه ۳۲۹ تاریخنده متفقاً قرار ویرلدی .

حکمه تمیز جزا دائره سنده صادر اولده ۲۳ لایحه اول سنه ۳۲۹ تاریخنی و ۴۲۱۹ نومرولی اعلام صوریندر :

« بر شخصک دیکرینه یالکن تشهیر سلاح ایلمسی اوزرینه دیکرینک اشهار سلاح ایدن کیمسه یی قتل ایتمسک مقابله دن معدود اوله میه جفته دائر »

سیواس ولایتی استیناف محکمه سی جزا دائره سنندن تنظیم واعطا قلنان ۱۴ شوال سنه ۱۳۳۱ و ۲۰ ایلول سنه ۳۲۹ تاریخنی و یوزاونیدی نومرولی اعلامک تمیزاً تدقیق محکمه مذکوره مدعی عمومیلکی طرفندن استدعا قلمقدنناشی اولبابده کی اوراق باش مدعی عمومیلک مأموریت علیه سنندن ۲۳ ذی الحجه سنه ۱۳۳۱ و ۱۰ تشرین ثانی سنه ۳۲۹ تاریخنی و اوچ بیک یدی یوز الی اوچ نومرولی تبلیغنامه ایله محکمه تمیز جزا دائره سنه اعطا قلمش ولدی التدقیق استدعانا مه مذکورک مدت قانونیه سی طرفنده ویرلدیکی آ کلاشلمش اولمغله اوراق موجوده قرائت و مطالعه اولندی .

اعلام مذکورک خلاصه مالی ؛ اوچیوزیکرمی سکنر سنه سی اغستوسی طرفنده ییلدیزانلیک دشره رک قریه سنندن اسماعیل اوغلی اقوی قتل ایلدیکی ادعا قلمسنندن دولای جنایتله اتهام اولنان چقلقان قریه سنندن عمر اوغلی محمدک اجرا قلنان محاکمه علنیه سی نتیجه سننده متهم مرقومک بالمقابل قتل مذکوره جرأتی ثابت اولمغله اولوجهله فاعلیته وحرکتنه توافق ایدن قانون جزانک یوز سکسان طقوزنجی ماده سی دلائله یوز طقسانجی ماده سنه توفیقاً برسنه مدتله حبسنه ۱۲ حزران سنه ۳۲۹ تاریخنده حکم اولدیغندن عبارتدر .

مدعی عمومیلکک لایحه تمیزیه سننده ؛ شاهدلرک افاده لری بیتنده کی مبیئتک حل و تألیف ایلمدیکنه و مرقوم محمد مقتولک تعرضندن چکندیکنندن دولای طبانجه طاشیدیغنی استتقاقاً بیان ایتش ایکن بوجهتک تدقیق و تعمیق اولمیدیغنه و قتلاک ثابت طرفندن انداخت اولنان طبانجه ایله ایقاع ایلدیکی حقه ده مدافعه شاهدلرینک عندالحا که سبق ایدن افاده لرینک اسباب ردیه سنک ارئه و توضیح اولنماش اولدیغنه دائر اعتراضات سردیله اعلام مذکورک نقضی استدعا اولمشدر .

سالف الذکر تبلیغنامه دخی لایحه تمیزیه ده بوجه محرر درمیان اولنان اعتراضات وارد اولدیغنی بیانیله اعلام مذکورک نقضی طلب اولمشدر .

اوراق دعوی بعدالمطالعه تدقیقات تمیزیه اجرا اولندقدده: بر شخصک دیکرینه یالکنر تشهیر سلاح ایلمسی اوزرینه دیکرینک اشهار سلاح ایدن کیمسه یی قتل ایتمسک مقابله دن معدود اوله میه جفی درکار اولسنه نظراً محکمه جه بوجه محرر اتخاذ قرار ایلمش اولمسی مخالف قانون ولایحه تمیزیه محتویاتی بو طریقه وارد و بجا اولدیغندن اعلام مذکورک اصول محاکات جزایه قانوننک اوچیوزاون دردنجی ماده سنه توفیقاً نقضنه و احکام قانونیه دائره سننده ایفای معامله اولمق اوزره اوراقنک محله اعاده سنه و ایکوز غروش اعلام خرجنک ایلریده حقسنر حقیقه حق طرفدن تحصیلنه ۱۶ تشرین ثانی سنه ۳۲۹ تاریخنده متفقاً قرار ویرلدی .

حکمه تمیز جزا دائره سنده صادر اولده ۲۳ لایحه اول سنه ۳۲۹ تاریخنی و ۴۲۱۹ نومرولی اعلام صوریندر :

« شهادت گاذبه »

کربلاسنجانغی بدایت محکمه سی جزا دائره سنندن صادر اولان ۱۱ ذی القعدة سنه ۱۳۳۱ و ۲۹ ایلول سنه ۳۲۹ تاریخنی و ایکی یوز اوتوز الی نومرولی اعلامک تمیزاً تدقیق حقه ده محکوم علیه طرفندن ویریلن استدعانا مه ایله لایحه تمیزیه و اوراق متعلقه سی باش مدعی عمومیلک مأموریت علیه سننک ۲۷ ذی الحجه سنه ۱۳۳۱ و ۱۴ تشرین ثانی سنه ۳۲۹ تاریخنی و اوچ بیک سکنر یوز اون یدی نومرولی تبلیغنامه سیله محکمه تمیز جزا دائره سنه اعطا قلمش و مدت قانونیه سی طرفنده ویرلدیکی و شرائط سائره سی دخی ایفا ایلدیکی اکلاشیلان مذکور استدعانا مه قبول ایلمش اولمغله مطالعه اولندی .

اعلام مذکورک خلاصه مالی: تبدیل نام ایله شهادت گاذبه ده بولمق وصادق نام شاهدک جلبنامه سی حسین بن دهشه و یروب مرقومی شهادته کوندرمک ماده لرندن طولای جنایتله اتهام اولنان اشخاصدن غافل بن مایع ایله حسن بن سودینک جنحه ایله محکومیتته دائر مقدما ویریلن اعلام عندالتمیز نقض ایله اعاده قلمسی و بونلردن غافلک وفاتیه حقه ده کی حقوق عمومیه دعواسنک ساقط اولمسی اوزرینه اخیراً حسن بن سودینک اجرا قلنان محاکمه علنیه سی نتیجه سننده متهم مرقومک صادق بن غاتم نامنه استتطاق دائره سنندن چیقاریلان جلب مذکره سی مرقومه ویرمیوب حسین بن دهشه ویردیکی کی دائره مذکوره به کله رک مرقومک صادق بن غاتم اولدیغنی بیان ایتک صورتیه ده یلان یره شهادته بولندیغنی ثابت اولوب انحق اصل جرمک جنحه اولمسی اعتباریه مرقومک حرکتیه ده جنحه درجه سننده کورلدیکندن اولوجهله فاعلیته و قانون جزانک ایکی یوز سکسانجی ماده سنه توفیقاً ایکی آی مدتله حبسنه و غافلک وقوع وفاته مبنی حقه ده کی حقوق عمومیه دعواسنک سقوطنه ۲۸ اغستوس سنه ۳۲۹ تاریخنده حکم اولدیغنی محتویدر .

لایحه تمیزیه ده برای شهادت استتطاق دائره سنه سوق اولنان حسین بن دهشک قطعاً شهادته بولندیغنی کی کندیمی ده مرقومک استتقاقاً جلب اولنان مرقومک شاهد صادق نام کیمسه اولدیغنی سویلدیکی جهته

وذاً شاهد كاذب دينيلان شخصك برائت ايتيمى حسيله كنديسنك دخى عدم مسئوليتى لازم كله جكنندن بحثله اعلام اخيرك دخى نقضى استدعا قلمشدر .
تبليغنامه مفادى دخى لايحه تميزيده درميان ايديلن اعتراضات اعلام مميز به مندرجاته نظراً غير وارد اولدينى بيانيله استدعاك ردى طلبى متضمندر .
اوراق دعوانك مطالعه سندن صكره تدقيقات تميزيه اجرا اولندقده معرفاك ايتيمى اولدينى شخصك برائت ايتيمى حسيله مسئلهك بر جرم قانونى تشكيل ايدميه جكنه نظراً عدم مسئوليتيه قرار اعطاسى لازمه دن ايكن محكوميتى جهته كيدلسى مخالف قانون اولديغنه دائر لايحه تميزيده سرد ايديلن اعتراضات مندرجات اعلامه نظراً وارد ومستلزم نقض اولديغندن اصول محاكمات جزائيه قانونك اوچيوز اون دردنجى ماده سنه توفيقاً اعلام مذكورك نقضيله اوراقك محله اعاده سنه وايكى يوز غروش اعلام خرجك ايلريده حقسنر چيقه جق طرفدن تحصيله ومستدعى مرقوم طرفندن ديوزيتو ايديلن بش ليرا تميز جزاى تقديسنك كنديسنه اعاده سنه ۲۴ تشرين ثانى سنه ۳۲۹ تاريخنده متفقاً قرار ويرلدى .

مجلس خبر استعاضه از مجلس عراق

مجلس خبر استعاضه صادر اولده ۲۴ ثانويه ثانى سنه ۳۲۸ تاريخى ۲۷۸۷ نومردلى اعلام صورتيه :

« مستنطقكجه اتخاذ وجانب رياستدن تصديق اولنان قراره مستنداً توقيف مذكره سى صادر اولان مظنون چنده كى شبو توقيف قرارى على اصول هيئت اتهميه جه بالتدقيق فسخ ايدلديجه مرعيتى دركادر »

بتليس ولايتى استيناف محكمه سى جزا دائره سندن تنظيم قلنان ۱۵ تموز سنه ۳۲۸ تاريخ وسكسان يدى نومرولو اعلامك نقضى حقنده عدليه نظارت جليله سندن ويريلان امر تحريرى اوزرينه اولبابده كى اوراق باش مدعى عموميك مأموريت عليه سندن بتليغنامه محكمه تميز استدعا دائره سنه توديع اولمغله مطالعه اولدى .
ذكر اولنان بتليغنامه ده اسباب قانونيه دن دولايى تحت محاكمه يه آلان كنچ سنجاغى بدايت محكمه سى مدعى عمومى معاونى وكلى محكمه مذكوره اعضا ملازم سابق محمد على افنديك حقنده كى اسباب محاكمه سنى تشكيل ايدن رشوت ماده سندن طولايى مظنون عليه وموقوف بولنان لواء مزبور طايبوباش كاتى اسماعيل افنديك خلاف قانون تخليه سنه سببيت ويرمى ماده سى اولوب بناء عليه ماده مبحوث عهددن دولايى مومى اليه محمد على افنديك ولايت مذكوره استيناف جزا محكمه سنجه غياياً اجرا قلنان محاكمه سى نتيجه سنده مرقوم اسماعيل افنديك استنطاق دائره سنجه جنايته لزوم محاكمه سنه وحقنده غير موقت توقيف مذكره سى اسطاريه قرار

ويريله رك اوراق هيئت اتهميه يه لاجل الارسال معاون مومى اليه ومذكور توقيف مذكره سنده جانب ضابطه يه توديع اولنه رق اوراق مزبوره نك استيناف مدعى عموميك كنه ارسالى صرم سنده توقيف مذكره سنده اوراق مرسوله مياننده بولمى ايجاب ايدميه جكى ذهابيله مذكور مذكره نك اعاده سى حقنده معاون مومى اليه طرفندن لواء مذكور متصرفلغنه باييلان مذكره نك توقيف مذكره سنى استردادى وحكمسنرلكى صورتيله تفسيره مساعد اولدينى حالده مذكور توقيف مذكره سنى حكمسنر براقق صورتيله تفسيراتدن لواء مذكور متصرفى جودت بكك ژاندارمه طايبور قوماندانلغنه حواله ايدلدى ۲ كانون ثانى سنه ۳۲۶ تاريخى بيورلديسنده صراحة ذكر وبيان ايلسنه كوره موقوف بولنان شخص مرقومك تخليه سنه متصرف مومى اليه سبب مستقل اولدينى مذكور بيورلدى ودركنار مألندن مستبان اولمش وبناء عليه مومى اليه محمد على افنديك اسماعيل افندى حقنده كى توقيف مذكره سنى استردادن يالكز مذكور توقيف مذكره سنى اوراق مياننه وضع وادخالى مقصديه اعاده سى طلبندن عبارت اولوب مومى اليه مقصدى اوجهى تفسيره معطوف اولسه بيله اصولاً حقنده كى موقت توقيف مذكره سى ويريلان بر شخصك تخليه سى مجراى قانونيه اولمق اوزره توقيف مذكره سنى اعطا ايدن دائره رئيسك تصديقه اقتران صورتيله تخليه مذكره سنى اسطاريه متوقف اولدينى حالده يالكز متصرفك حواله سنه اسناداً وقوعبولان تخليه سنى وكيل مومى اليه عطف و اسنادى موافق قانون اولميه جفندن مومى اليه كى برائتته قرار ويرلدى منفيهم اولمش ومستنطقكدن على اصول اتخاذ وجانب رياستدن تصديق اولنان قراره مستنداً توقيف مذكره سى صادر اولان بر شخص حقنده كى توقيف قرارى هيئت اتهميه جه فسخ ايدلديجه لازم الاجرا اولدينى ومدعى عموميك مأموريتدن قرار مذكور عليه اعطا قلنان اعتراضنامه توقيف قرارى حكمنى اسقاط ايدميه جكى بديهى اولدينى حالده مدعى عمومى معاونى وكلى صقيله مومى اليه محمد على افندى طرفندن يازيلان يدى صره نومروسنده محرر ۲ كانون ثانى سنه ۳۲۶ تاريخى مذكره صورتى دلالتى و ۱ و ۳ كانون ثانى ۳۲۶ تاريخى ژاندارمه طايبور قوماندانلغك مذكره سى زبرنده محرر دركنار صورتلرى صراحتيله جنايت فعلندن دولايى مظنون عليه اولان بر شخصك خلاف قانون تخليه ايتك صورتيله وظيفه سنى سواستعمال ايدلدى حقنده كى دلائل موجوده يى توهين ودركنارلك روح واساسنى تحليل ايدن اسباب بيان وايضاح اولمقسزين قانوناً غير وارد بعض اسباب درميانيه برائت قرارينك اعطاسى بولمى ومغاير قانون اولديغندن اصول محاكمات جزائيه قانونك اوچيوز قرق يدنجى ماده سى حكمنه توفيقاً بر موجب امر تحريرى نقضى لزومى كوسترلمشدر .
ايجابى لى المذاكره اصول محاكمات جزائيه قانونك جمله احكام عموميه سندن اولدينى وجهله مستنطقكجه اتخاذ وجانب رياستدن تصديق اولنان قراره مستنداً توقيف مذكره سى صادر اولان مظنون حقنده كى شبو توقيف قرارى على اصول هيئت اتهميه جه بالتدقيق فسخ ايدلديجه مرعيتى دركار اولمى سنى اسباب قانونيه يه مبنى تحت محاكمه يه آلتوب دائره استنطاق جنايته لزوم محاكمه سى قرار كير اولان وحقنده غير موقت توقيف

مذکور مدعی تسلیم و موخینجه توقیف قلنان اسماعیل افندی حقننده کی اشبو توقیف قرارینک صور محرره وجهله هیئت اتهامیه چه فسخ ایدلکسزین لازم الاجرا اولدینی درکار بولنش اولدینی حالده قرار مذکور علینده طریق اعتراضه توسل ایدن مدعی عمومی معاونی و کیلی محمد علی افندیکن تنظیم ایلدیکی مذکره ایله ژاندارمه طابور قوماندانانی مذکور مدعی مندرجاتنک موقوف مومی الیهی خلاف قانون تخلیه ایتک صورتیه وظیفه مأموره سنی سواستعمال ایتدیکی حقننده تشکیل ایلدیکی دلائل و اسباب ثبوتیه حکمی رد وتعلیل ایدن اسباب موجه بیان و ایضاح اولقمسزین بعض مطالعات در میانیه بر آتته قرار ویرلمی یولسز و مستلزم نقض احوالین بولنش ایدوکنندن اصول محاکات جزائیه قانوننک اوچیوز قرق یدنجی ماده مدعی موخینجه اعلام مذکورک بوسبیدن ناشی بر موجب طلب نقضه ۳۰ کانون اول سنه ۳۲۸ تاریخنده متفقاً قرار ویرلیدی.

محکمہ تمیز استعرا دائره مندره صادر اولاره ۴ شباط سنه ۳۲۸ تاریخنی ۳۳۴۳ نومردی اعلام صور تیرر :

« مظنونک حین ایقاع جرمده هنوز اون بش یاشنی اکان ایتماش اولسی اعتباریه ا لعدا رضه ج نه قانون جزانک قرقنجی ماده سنک اوچنجی فقره سنه توفیقاً تعیین مجازنی ایجاب ایدر »

در سعادت استیناف محکمه مدعی جرحه دائره سنندن تنظیم واعطا قلنان ۲۴ تشرین اول سنه ۳۲۸ تاریخنی اعلامک تمیزاً تدقیقی طلبنی حاوی محکمه مذکور مدعی عمومیملکی جانبندن معطی استدعانا مه ایله اوراق متفرعه مدعی باش مدعی عمومیملک مأموریت علیهنه سنندن باتبلیغنامه محکمه تمیز استدعا دائره سنه تودیع قلمنش ولدی التدقیق مذکور استدعانا مه نک مدت معینه قانونیه مدعی ظرفنده ویرلیدی اکلانلش ایدوکنندن بالقبول تدقیقات تمیزیه اجراسنه ابتدار اولندی .

اعلام مذکورک خلاصه مالی خریساتی خانمک اچیه و مجوهراتی سرقت ایلدیکی ادعا اولنسان یورکی واسیلک تحدید جزاسنه دائر صادر اولان اعلام غیابی علینه اعطا ایلدیکی اعتراض علی الحکم استدعانا مه مدعی اوزرینه حکم غیابی مزبورک کائن لم یکن عدیه جریان ایدن محاکمه نتیجه سننده مظنون مرقومک فعل مدعا بهه جراتی حضور محکمه ده سبق ایدن اقراری و علی الدرجات واقع اولان شهاداتی ایله ثابت اولسندن ناشی جزا قانوننک ایکی یوز اوتوزنجی و قرقنجی ماده لری موخینجه تقدیر ایدیلان اوچ ماه حبس جزاسنک ربی اولان یکرمی اوچ کون بالتزلی آلمش یدی کون مدته حبسنه دائر بدایه لاحق اولان حکم مظنون مرقوم جانبندن استیناف ایدلکله سبق ایدن محاکمه استینافیه نتیجه سننده حکم ابتدائی موافق اصول وقانون و اسباب فسخیندن عاری ایدوکنندن بحثله تصدیقه قرار ویرلیدیکن متضمندر .

لایحه تمیزده مظنون مرقوم یورکینک حین ایقاع جرمده اون درت یاشنده بولندینی تدقیقات واقعه ایله تظاهر ایلش و کندوسنک جزا قانوننک قرقنجی ماده سنک اوچنجی فقره سنه توفیقاً تعیین مجازاتی مقتضی

بولنش ایکن درجه اولی محکمه سنجه بر جهندن بالذحول مرقومه اون بش یاشنی اکل ایتش بولسانلره مخصوص اولان ماده مذکورک در دنجی فقره مدعی موخینجه تعیین مجازاتی جهتنه کیدلش اولسی مستلزم فسخ احوالین بولندینی حالده عندالاستیناف بورالینک نظر دفته آلمیه رقی اعلام مذکورک تصدیق اولقمسز مغایر قانون ایدوکنندن بحثله اعلام استینافینک نقضی طلب ایلدیکی کی تبلیغنامه ده دخی اعتراضات مسروده نک مندرجات اعلامه نظر آوارد و بجا بولندینی بیانیه سالف الذکر اعلام استینافینک نقضی لزومی کوسرتملشدر .

ایجابی لای المذاکره تدقیقات جاریه نتائجه نظرأ سرقت ماده سنندن دولانی مظنون مرقوم یورکینک حین ایقاع جرمده هنوز اون بش یاشنی اکل ایتماش اولسی اعتباریه قانون جزانک قرقنجی ماده سنک اوچنجی فقره سنه توفیقاً تعیین مجازاتی لزوم قانونیسنه قارشو درجه اولی محکمه سنجه مرقومک اون بش یاشنی اکل ایدنلره منحصر اولان ماده مذکورک در دنجی فقره سنه توفیقاً بروجه محرر تحدید جزاسنی جهتنه کیدلشی کی اسباب فسخیه تشکیل ایدن خطیاتنک عندالاستیناف نظر دفته آلمقسزین اول بایده کی اعلام ابتدائینک موافقت قانونیه سنندن بحثله تصدیق جهتنه کیدلشی تبلیغنامه ده دخی کوسرتملدیکی اوزره یولسز و مغایر اصول قانون اولوب لایحه تمیزیه مؤداسی وارد و بجا کورنش ایدوکنندن اصول محاکات جزائیه قانوننک اوچیوز اون در دنجی و اوچیوز اون طقوزنجی ماده لری موخینجه اعلام استینافینک سبب مذکورک بناءً نقضیه احکام قانونیه دائره سننده ایفای معامله اولتمق اوزره اوراق متعلقه سنک محکمه مذکوریه اعاده سنه و ایکی یوز غروش اعلام خرجنک تعرفه و تعلیمات مخصوصه سنه توفیقاً ایلروده ایجاب ایدن طرفدن استیفسانه ۱۹ کانون ثانی ۳۲۸ تاریخنده متفقاً قرار ویرلیدی .

محکمہ تمیز استعرا دائره مندره صادر اولاره ۴ شباط سنه ۳۲۸ تاریخنی ۳۳۴۳ نومردی اعلام صور تیرر :

« مظنونک حین ایقاع جرمده هنوز اون بش یاشنی اکان ایتماش اولسی اعتباریه ا لعدا رضه ج نه قانون جزانک قرقنجی ماده سنک اوچنجی فقره سنه توفیقاً تعیین مجازنی ایجاب ایدر »

در سعادت استیناف محکمه مدعی جرحه دائره سنندن تنظیم واعطا قلنان ۲۴ تشرین اول سنه ۳۲۸ تاریخنی اعلامک تمیزاً تدقیقی طلبنی حاوی محکمه مذکور مدعی عمومیملکی جانبندن معطی استدعانا مه ایله اوراق متفرعه مدعی باش مدعی عمومیملک مأموریت علیهنه سنندن باتبلیغنامه محکمه تمیز استدعا دائره سنه تودیع قلمنش ولدی التدقیق مذکور استدعانا مه نک مدت معینه قانونیه مدعی ظرفنده ویرلیدی اکلانلش ایدوکنندن بالقبول تدقیقات تمیزیه اجراسنه ابتدار اولندی .

اعلام مذکورک خلاصه مالی خریساتی خانمک اچیه و مجوهراتی سرقت ایلدیکی ادعا اولنسان یورکی واسیلک تحدید جزاسنه دائر صادر اولان اعلام غیابی علینه اعطا ایلدیکی اعتراض علی الحکم استدعانا مه مدعی اوزرینه حکم غیابی مزبورک کائن لم یکن عدیه جریان ایدن محاکمه نتیجه سننده مظنون مرقومک فعل مدعا بهه جراتی حضور محکمه ده سبق ایدن اقراری و علی الدرجات واقع اولان شهاداتی ایله ثابت اولسندن ناشی جزا قانوننک ایکی یوز اوتوزنجی و قرقنجی ماده لری موخینجه تقدیر ایدیلان اوچ ماه حبس جزاسنک ربی اولان یکرمی اوچ کون بالتزلی آلمش یدی کون مدته حبسنه دائر بدایه لاحق اولان حکم مظنون مرقوم جانبندن استیناف ایدلکله سبق ایدن محاکمه استینافیه نتیجه سننده حکم ابتدائی موافق اصول وقانون و اسباب فسخیندن عاری ایدوکنندن بحثله تصدیقه قرار ویرلیدیکن متضمندر .

لایحه تمیزده مظنون مرقوم یورکینک حین ایقاع جرمده اون درت یاشنده بولندینی تدقیقات واقعه ایله تظاهر ایلش و کندوسنک جزا قانوننک قرقنجی ماده سنک اوچنجی فقره سنه توفیقاً تعیین مجازاتی مقتضی

انجمن عدلیه مندرانی

انجمن عدلیه مندره صادر اولاره ۲۴ کانون اول سنه ۳۲۹ تاریخنی قرار صور تیرر :

« دوائر اجراییه مدیونک عهده سننده قید رسمیسی اولیان اموالک مزایده سنندن ایدلده توق ایدلشی مقتضی اولدیغنه دائر »

کیوه بدایت محکمه مدعی اجرا ریاستی ایله در سعادت استیناف مدعی عمومیملکنک وامور حقوقیه هدیریت بهیه سنک مذکره لری مطالعه اولندی .

خلاصه ماللری کیوه اجرا دائره سنجه مجبوزاً موقع مزایدهیه وضع ایدلش اولان بر باغسک احاله قطعیسی اجرا اولنه جفی صروده ویرکو و طابو دائره لرنجه قیدی بولنه مادیغنه و ورثه طرفدن دخی سند

رابطی جهته کیدله مکده و داین ایسه بونک دائره اجراجه یابدیرله رق معامله متبایه نك دوامنی طلب ایلمکده اولدیغندن مدیریت مومی الیهانك مذکوره سی مندرجاتی دخی تصرف قید رسمی به اقتران ایتدیرلمکسزین جریان ایدن معامله معروضه نك یواسزلانی و علی الاصول قید استحصالی ضمننده دائره اجراجه بر مذکوره تسطیری مقتضی بولمغله برابر قید مذکورک استحصالی حالنده دخی خلاف قانون جریان ایدن معامله سابقه به استناد ایدلمک موافق اوله میه جنی مطالعه سندن عبارتدر .

ایجابی لدی التأمل دائره اجراجه اموال غیر منقولیه حجز وضعیه مزایده معامله سنک ایفاسنه تشبث ایدیه بیللمک ایچون اول امرده اموال مذکوره به وضع ید اولمق و بوندن طولانی اموال مذکوره نك مدیون عهده سنده بولنوب بولمیدنی دفتر خاقانی اداره سندن تحقیق ایدلمک لازم کلدیکی حالده بویه بلا تحقیق حجز و مزایده اجراسی مغایر اصول اولوب چونکه ختام مزایده بر طاقم مشکلاتی و بیهوده یرده اخاعه و قی و لزوم سز مصرف اختیارنی موجب اوله جنی جهته دوائر اجرایه جه مدیونک عهده سنده قید رسمی سی اولیان اموالک مزایده سندن توقی ایدلمسی مقتضیدر قالدی که بر مدیونک ملکی اولمق اوزره داین طرفندن حجز و فروختی طلب ایدیلن اموال غیر منقوله نك دفتر خاقانی اداره سنبجه قیدی بولمیدنی تقدیرده داین یدنده کی اعلام موجنبجه استیفای مطلوبی ایچون محکمه عأده سنه مراجعت ایدرک اموال مذکوره نك فروخته دائر آریجه بر اعلام استحصال ایلمسی لازم کلیر ایسه ده در سعادت و بلاد ثلثه داخلنده کی هر نوع محللردن سندی ضایع اولوبده دفاتر عأده سنه قیدی اولیان و یا اولوبده مختل و مشوش بولنان خصوصات اوقافک محکمه تفتیشجه بالتحقیق اعلامه ربطی مطلقاً متصرف طرفندن طلب و استدعا به و یا خود خصم طرفندن بر کونه ادعا به محتاج اولمایوب لدی الحاحه بر مقام رسمیدن تودیع کیفیتله دخی حقیقت تصرفیه نك ظاهره اخراجی محکمه مذکوره جه قابل و امثاله موافق اولدینی و طشرده کی سندسز املاک و اراضی مسئله سنه کلنبجه بونلرکده محللری مأمورین عأده سیله مجالس اداره لرنجه نظامات موضوعه و تعلیمات مخصوصه دائره سنده تدقیق و تحقیقه اوراقک مضبطیه ربطی اقتضا ایده چکی لدی المخابره دفتر خاقانی نظارت جلیله سندن واقع اولان اشعاره عطفاً ۲ اغستوس سنه ۳۲۴ تاریخلی تحریرات علیه نظارت پناهیلری تعمیماً تبلیغ ایدلدیکی آ کلاشلمش اولمغله صور معروضه دن بریله کیفیت تصرف تحقیق و قید رسمی سی اجرا ایدلکدن صکره معامله لازمه نك ایفاسی اقتضا ایده چکی تذکر قلندی .

قانون غیر منقوله

اموال غیر منقوله قانونی

بالاشتراك تصرف اولنان اموال غیر منقوله نك تقسیمی حقنده قانون موقتدر ماده : ۱

۱ اراضی امیری و موقوفه ایله مسقفات و مستغلات وقفیه و بالجمله املاک و عقاره شایعاً تصرف ایدنلردن هیچ بری غیر معین بر زمان ایله شیوعک دوامی حقنده بیلنلرنده برمقوله سبق ایتش اولسه دخی شرکته دوامه اجبار ایدیه مز .

قابل تقسیم اولان یعنی هر حصه ده منفعت مقصوده قسمت ایله فوت اولیان یرلرده تقسیم ایله و قابل تقسیم اولیان یرلرده دخی بالمزایده فروخت ایله شیوع ازاله ایدید بیلور . ۱

بوماده اوچ حکمی احتوا ایدیور .

۱ — اموال غیر منقولیه شایعاً متصرف اولنلردن هیچ بری غیر معین بر زمان ایله دوام شیوع مقاوله سی بولنسه بیله شرکته دوامه اجبار ایدیه مز .

بوفقرده بش نوع اموال غیر منقوله تعداد اولنیور .

برنجیسی ، اراضی امیری صرفه .

ایکنجیسی ، تخصیصات قیلندن اولان اراضی امیری موقوفه .

اوچنجیسی ، مسقفات وقفیه یعنی سقفی حاوی بولنان و تعبیر دیگرله ابنیه قیلندن اولان عقارات وقفیه .

دردنجیسی ، مستغلات وقفیه . بوتعبیر سقفی حاوی اولان و ابنیه قیلندن بونانه شامل اولدینی کی صرفه عرصه و اراضی موقوفه صحیحه کی ابنیه یی احتوا ایتیان اوقافه دخی عام اولور . بوضورتده بونده کی عطف ،

عطف العام علی الخاص قیلاندن اولور . بیله سکرته نکیز ایدلکدن عطف عام اولور .

بشنجیسی ، املاک . املاک ملکک جمعی اولوب منقول و غیر منقوله و حتی منافعه دخی عام ایسه ده عنوان

قانوندن استدلال اولنه جنی اوزره بوماده ده عمار اولان املاک قصد ایدلمکده اولوب بناء علیه « و عقاره » عبارده سنک املاکه عطفی عطف تفسیر بولنشدیر . بوضورتده « و عقاره » عبارده سیله آلتنجی بر قسم اموال غیر

منقوله مقصود اولمیدیغندن بش نوعه حصر ایدیلشدی . بیله سکرته نکیز ایدلکدن عطف عام اولور .

بواملاك انواع آتیه دن عبارتدر.

اولاً، عرصه سی وارضی ملک اولدینی کی ابنیه واشجاری دخی ملک اولور.

ثانیاً، عرصه سی وارضی وقف اولوب فقط ابنیه واشجاری ملک اولور.

ثالثاً، عرصه سی وارضی اراضی امیریة صرفه دن ویا موقوفه دن اولوب ابنیه واشجاری ملک اولور.

بوفقرده کی املاک تعیری بواوچنده عام وشامل بولمیشدر.

بومثللو عقاراته شایعاً متصرف اولنلر آره سنده دوام شیوع ایچون مقاوله بولماز ایسه مشارکدرن هر هانکیسی اولور ایسه اولسون دیلدیکی زمان ازاله شیوع ادعاسنده بولنه بیلور. وبوقانونده مندرج بولسان احکامه توفیقاً ازاله شیوع ایدیلور. دیگر طرف استمهال ایده جک اولسه مدعینک رضایی منضم اولدقچه امهال اولنه ماز.

دوام شیوع ایچون مقاوله تحریریة موجود بولنور ایسه بومقاوله نك مدتی نهایت بش سنه اولنجه مقاوله مذکوره معتبر اولور.

بناءً علیه بومدنده مشارکدرن بری ازاله شیوع ادعاسنده بولنه ماز. بولنور ایسه استماع اولنه ماز. اما بو صورتده مشارکار بالاتفاق فسخ مقاوله ایددرک ازاله شیوع ایتلری جائزدر.

بومقاوله بش سندن زیاده یعنی مثلاً آلتی سنه کی برمدت ایچون اولور ایسه مقاوله مذکوره یالکتر بش سنه ایچون معتبر اولور.

بناءً علیه بش سنه تمامنده مشارکدرن هر بری ازاله شیوع ادعاسنده بولنه بیلور. اما بش سنه نك تمامندن اول بو ادعاده بولنه ماز.

ماده آتیه دن منظم اولدینی اوزره بش سنه ختامنده تکرار بش سنه ایچون تجدید مقاوله ایدرلر ایسه بوایکنجی مقاوله دخی معتبر اولوب بناءً علیه مقاوله ثانیة مذکوره نك مدتی منقضي اولدن بعض شرکا جانبندن ازاله شیوع ادعاسی استماع اولنه ماز.

بومقاوله نك شرائطی: مذکور مقاوله نامه معتبر اولق ایچون مشارکدرک جمله سنک امضاسنی محتوی اولق لازم کلور.

بناءً علیه متعدد شرکادن ولو که بریسی امضاسی و دوام شیوعده رضایی بولماز ایسه او مقاوله نامه نك بولنره تأثیری اولیوب مقاوله نامه یه وضع امضا ایتیمان شریکک طلبیه شیوع ازاله اولنور.

لکن بو تقدیرده مقاوله نامه ده امضاسی بولنانلرک ازاله شیوع ادعاسنی قبول ایدیه ماز. بو صورتده امضاسی بولنلرک طلبیه ازاله شیوعک صورتنه کنججه قابل قسمت اولور ایسه یالکتر بو طالبک حصه سی

افراز اولنور. مقاوله نامه ده واضع الامضا اولانلرک اتفاق موجود اولدقچه بولنلرک حصه لری مقاوله لری وجهه له مشاعاً ترک اولنور. قابل قسمت دکل ایسه بو صورتده کی ازاله شیوع بیع و افراغ ایله اوله جغندن امضا

صاحب لری نك مقاوله لری نك حکمسنز لکنی انتاج ایدر. یعنی بو حالده ازاله شیوع مقصدیه جمله عقار صاتیلور. دوام شیوع مقاوله سی تحریری اوله بیله جکی کی شفاهی دخی اولور. لکن مقاوله شفاهی نك وجودی یا اقرار یا یمیندن نکول ایله ثابت اولق اقتضا ایدر. اقامه شهودله اثبات مقاوله جهتی محاکمه قبول ایدلمسه کرکدر.

مقاوله نامه ده دوام شیوع ایچون بر مدتک تعیین ایدلمسی شرطدر.

بناءً علیه مقاوله نامه ده دوام شیوع ایچون مدت مذکور دکلسه بو مقاوله ایله شیوعک حداً عظمی بولنان بش سنه ایچون شیوعه رضا حاصل اولمشدر. حکمی ویریله ماز. زیرا بو حکم لاعن دلیل اولور.

مثلاً مشارکدرک مشترک فلان عقاری بینلرنده مشاعاً و مشترکاً تصرفه قرار ویردکیرینه و ازاله شیوع ادعاسنده بولنیه حق لری نه دائر مقاوله تنظیم ایدوبده بر مدت تعیین ایدلمه لری مدت قلیله دن صکره مشارکدرن هانکی بری اولسه ازاله شیوع ادعاسنده بولنه بیلور. وبوجهله بلا مدت دوام شیوع مقاوله سنک حکمی برقچکون بوا دعاده بولنلما مقوله اجرا ایدلمش عد اولنور.

مقاوله نامه ده دوام شیوعنده اتفاق حاصل اولان عقار توضیح اولق لازم کلیر.

بناءً علیه بینلرنده مشترک مال غیر منقولک مشاعاً استعمالی تحت قراره الندی بولنده کی مقاوله نامه معتبر دکلدر. مکرکه خصم مقاوله نامه ده محرر مال غیر منقولدن مقصد ازاله شیوعی طنب ایدیلان عقار اولدینی تصدیق ایتسون.

بو ماده نك «شایعاً تصرف ایدنلردن هیچ بری غیر معین بر زمان ایله شیوعک دوامی حقنده بینلرنده بر مقاوله سبق ایتش اولسه دخی شرکته ده دوامه اجبار ایدیه ماز» فقره سی طول مدت یعنی بش سندن زیاده زمان ایچون دوام شیوع مقاوله نامه سنک معتبر اوله میه جغنی بیان ایدیلور. یوتسه بو مقاوله نك عدم اعتباری مدت مقاوله نك جهاتی اولدینی بیان ایتک مقصود دکلدر.

بناءً علیه دوام شیوع مقاوله سی اون، یکر می سنه، مادام الحیة کی بر مدت ایله تعیین و تخصیصی محتوی اولسه دخی یالکتر بش سنه ایچون معتبر اولوب زیاده مدت ایچون معتبر دکلدر. مکرکه بش سنه صکره تجدید مقاوله ایدلمش اولسون.

بو صورتده مشارکدر حیاتده بولندینی مدتیجه شیوعک دوام ایده جکنه دائر مقاوله ایتدکری حالده بو مقاوله بش سنه ایچون مرعی اولور ایسه ده بش سنه صکره تجدید ایدلمکجه ازاله شیوع ادعاسنی قبول اولنور. دوام شیوع حقنده مقاوله ایدن مشارکدرک بعضیسی یا کلیسی وفات ایتسه بو مقاوله ورثه حقنده دخی مرعی و معتبر اولور.

بش سنه مدته دوام شیوع مقاوله سی معتبر اولدینی کی مقاوله نامه یه وضع امضا ایدنلرک جمله سنک اتفاقیله بو مقاوله نك فسخی دخی معتبردر.

بناءً عليه ازاله شيوع ادعائهم بولمان مشاركتك دعواي في دفع ايحون ديكر حصه داران دوام شيوع
مقاولة نامه سني ابراز ايتدكارنده مدعيلر، بومقاولة نك فسح ايدلديكني ادعا وبوني ديكر مقاولة يا اقرار يا عيندن
نكول ايله اثبات مدعا ايدلديلورلر ايسه ده دوام شيوع حقنده سند مقاوله يه قارشو شهودك استماعي ممكن
اوله ماز .

دوام شيوع مقاوله سي يالكز بعض شركانك فسحيله منفسح اولماز .
بناءً عليه دوام شيوع مقاوله سني امضا ايدنلر مثلاً آلتی كشي اولوبده يالكز ايكي سي بو مقاوله يي فسح
ايتدكارنده ديكرلري فسحه موافقت ايتدكار ي حالده بوفسح كان لم يكندر . يعني فسح مذكور سبيله فسحه
موافقت ايتمان شركانك مقاوله لر ينك انفساخ لازم كليه جكي كفي فسح ايدنلرك حصه لرنده دخي تقسيم يا خود
بيع و فراغ صورتلريه ازاله شيوع اوله ماز . زيرا فسح ايدنلر ، فسح ايتمانلرك مقاولة نامه احكامته نائل
اولدتلري فوائدی منع و ازاله يه مقتدر دكلدر .

بوصورته دوام شيوع مقاوله سندن صكره بعض شركانك بومقاوله يه نادم اولملري فائده سز اولديني كفي
دوام شيوع مقاوله سنك بالاتفاق فسحندن صكره بعض مشاركتك بوفسحه نادم اولملري مفيد دكلدر .

۲ - قابل تقسيم اولان . .

بوفقرده شيوعك صورت ازاله سي اجمالاً بيان اولنمقده اولوب بوگا دائر تفصيلات آتیده كله جكدرد .
فقره مذكوره دن منفيهم اولور كه شيوع بوجه آتی ازاله اولنور . شويله كه قابل تقسيم اولان اموال غير منقوله
تقسيم ايله و قابل تقسيم اوليان اموال غير منقوله بالمزايده بيع اولنورق بدل مبيع عقار مبيعه كي حصه لرينه
كوره بين الشركا تقسيم اولنور .

تقسيم دخي يا رضاء يا حكماً وقضاء اولور .

رضاء تقسيم صور آتیه ايله اولور .

اولاً ، مشاركتك بالاتفاق كنديلري تقسيم و حصه لر يي افراز واخذ ايدرلر . بوجهله تقسيم واقع اولديني
على الاصول دفتر خاقاني مأمورينه اخبار اولنورق طرفندن دخي تنفيذ وتسجيل اولنمقده تمام اولور . اثنای
قسمتده دفتر خاقاني مأمورينك يا خود صالح حاكمينك بولنامسي بوقسمتك بطلاني ايجاب ايتمز .

ثانياً ، شركا بالاتفاق دفتر خاقاني مأمورينه بالمراجعة مأمور موسى ايله معرفتيله تقسيم اولنور . بوقسيم
دخي صحيح ومعتبر اولوب محكمه نك معلوماتي اولمقسنين اجراي قسمت اولندي ديه فسح و ابطال اوله ماز .

ثالثاً ، شركا بالاتفاق صالح حاكمينه بالمراجعة تقسيم ايتديرلر . بوقسيم دخي صحيح ومعتبر اوله جني
جای اشتباه دكلدر .

رابعاً ، شركا بالاتفاق صالح حاكمينك غيري حاكمه مراجعت ايدلرك تقسيم ايتديرلر . شركانك بالذات

كنديلرينك تقسيم ايتلري معتبر اولديني كفي بوقسيم دخي معتبر اوله جني شبهه سزدر . چونكه بوصورتله
اجراي قسمت ايدن حاكم شركانك وكيلدر .
قضاء تقسيم دخي بوقانونك اتنجي و طقوزنجي ماده سنده ايضاح اولنور .

فروخت ايله ازاله شيوع دخي ايكي وجهله اولور .
وجه اول رضاء اولور . بوده صور آتیه وجهله اجرا اولنور .

اولاً ، شركانك بعضيلري كندی حصه لر يي ديكر شريكه ديلدكار ي بدل و فيثاته بيع و فراغ ايدر .
ثانياً ، شركا بالاتفاق ديلدكار ي بدل و فيثاته خار جدن برينه بيع يا فراغ ايدرلر .

ثالثاً ، بوقانونك سكونجي ماده سي وجهله ازاله شيوع ايدرلر .
ازاله شيوع ضمننده تقسيم يا بيع و فراغ رضاء اولور ايسه بونك تماميتي دفتر خاقاني اداره لرنده قيد
وتسجيل ايله اولور . بوندن بشقه بوقانونده موجود اولان احكام و شرائط آرا نماز .

بناءً عليه مناصفة مشترك اولان اراضي اميري يي مشاركتك آراده لرنده رضاء تقسيم ايدلرك قيمته و مقداراً
ثلثان برينه و ثلث ديكرينه و يرلسه و بوكا مشاركتك وقوف و اطلاعاتي بولنسه ده دفتر خاقاني اداره لرينه
بالمراجعة قيدلري تصحيح اولنسه صحيح و تمام اولور . الويرر كه هرايكي حصه ده زراعت ممكن اولسون .

نته كيم مشاركتك دن بري حصه سي بدل معلوم مقابلنده يا مجاناً ديكر مشاركتك فراغ ايدوب دفتر خاقانیده
قيدني اجرا ايتديرسلر جائز اولور .

كذلك مستغلات وقفينه دن جليم بر مغازه ايكي كيمسه بيننده مشترك اولوبده مشاركتك آراده سنده بالتقسيم
تقسيم واقعي سند خاقاني ربط ايتديرسلر جائز و تمام اولور . الويرر كه تقسيم واقعه وقفه ضرو بولنسون .

نته كيم مشاركتك دن بري حصه سني ديكر مشاركتك مجاناً و يا بدل معلوم مقابلنده رسماً فراغ ايتسه صحيح
ومعتبر اولور .

ازاله شيوع ، حكماً وقضاء اولور ايسه بونك صحيح ومعتبر اولسي ايحون بوقانونده مذكور اولان
احكامه موافق بولنق لازم كلور .

وجه ثاني ، قضاء اولور . بوده طقوزنجي ماده ده بيان اولنور .
ازاله شيوع اولنسي طلب اولنان اموال غير منقوله قابل قسمت اولوب اولديني اول امرده تدقيق
ايدنك لازم كلور .

قابل قسمت — هر حصه ده منفعت مقصوده قسمت ايله فوت اولماز تعبير ديكرله شركادن هر برينك
حصه مفروضيله قبل التقسيم اولان نفع ايله انتفاع ممكن اولور ايسه بوعقار قابل قسمت عد اولنور .

خلاصه كلام ، مشترك عقارك حصه دارلرندن هر بري ايحون قبل التقسيم اولان نفع جنسيه بعد التقسيم
دخي انتفاع اوله بيلمك ممكن اوله بيلور ايسه قضاء ده رضاء ده تقسيم اوله بيلور .

دخي انتفاع اوله بيلمك ممكن اوله بيلور ايسه قضاء ده رضاء ده تقسيم اوله بيلور .

قبل التقسيم اولان نفع جنسيه دينلدى . مثلا برقوناق حرم وسلامق دائرلى مشتمل وايكى كيمسه
بينده مناصفة مشترك اولوبده برينه حرم ديكرينه سلامق دائرلى اعطا اولمق صورتيله تقسيم اولنسه
هر حصه دار بعد القسمه حاصل اولان حصه لر ايله قبل التقسيم موجود اولان نفع ايله بونفع ساكن اولمقدن
عبارتدر . بعد التقسيم انتفاع اولنه بيلور . واقعا بوايكى انتفاع آره سنده فرق واردر . شوييله كه قبل التقسيم
اولان نفع بيوك ايكن بعد التقسيم بونفع كوچولوش اوياور . فقط ايكي نفعده جنسا تساوى واردر . زيرا
قبل التقسيم سكنى ايله انتفاع اولنديكى قبل التقسيم دخى سكنى ايله انتفاع اولنيوز . تقسيم واقع مقسومك
قيمتك تناقصه مؤدى اولسه دخى بوحال مانع قسمت عد اولماز . يعنى مثلا برقوناقك هيئت مجموعهنك
قيمتى بيك آلتون اولوبده ايكي مساوى قسمه تقسيم اولندقدن هر قسمك قيمتى دردر يوز ايريه تنزل ايلسه
بوسب ، قسمته مانع تشكيل ايتز .
نته كيم اركك وقادين حاملرى مشتمل بولنان برهام ايكي كيمسه بينده مشترك اولوبده اركك حامى
برينه وقادين حامى ديكرينه ويرملك صورتيله اجراى قسمت اولندقدن هر حصه دار كندى حصه سيله قبل القسمه
اولان منفعت جنسيه انتفاع ايتش و بناء عليه قابل قسمت بولنش اولور .
قابل قسمت اولان اموالده ازاله شيوع انحق تقسيم ايله اولور . يوقسه بيعى صورتيله حكما ازاله
شيوع اولنه ماز .
بناء عليه احد شركا قابل قسمت اولان مالك بيع وفروخت ايله ازاله شيوع ايدلسنى طلب ايتسه التفات
اولنه ماز . زيرا قبل القسمه اولان انتفاعه مجانس بولنان انتفاعك بعد القسمه حصولى ممكن اولنجه حاكم
بيعه اجبار ايدمه ماز .
قابل قسمتك قانونده كى تعريفه كوره آتى الذكر مالك قابل قسمت اولماسى لازم كلور . شوييله كه برعين
مشترك تفريق وتبعيضى صاحب لردن برينك حصه سى فضله اولمق جهتيه آكا نافع وديكرينك حصه سى آز
اولمق اعتباريله آكا مضر يعنى منفعت مقصوده سى مفوت اولور ايسه بوعين مشترك نفى اولان كيمسه نك
طليله تقسيم اولنوب ديكره مضر اولسى نظر اعتباره النيه جنى مجله نك ۱۱۴۰ ماده سنده محرردر . متن قانونده كى
قابل قسمتك تعريفه كوره بونوع اموال غير منقوله نك قابل قسمت اولماسى لازم كلور . بناء عليه بوماده
مجله يه مخالفدر .
واقعا امام مالكه كوره قابل قسمت اولمق ايجون جمله شركانك كندى حصه ريله قبل القسمه اولان نفع
ايله انتفاع شرطدر . نته كيم فقهاء مالكه دن امام خرشى كتابنده شوييله ديور : ويجبر على القسمه من اباها
بشرط ان ينتفع كل واحد من الشركاء الطالب وغيره بما يتوبه فى القسمه انتفاعا تاما كالا انتفاع قبل القسم فى مدخله
ومخرجه ومربط دابته انتهى . بناء عليه امام مشار اليه كوره قسمت برينه نافع ديكرينه مضر اولور ايسه
بومال قابل قسمت عد اولماز .

قابل قسمته قبل القسمه اولان نفع ايله انتفاع شرط قلنديكى ايضاحات سالفه دن مفهم اولدى . فقط
قبل القسمه اولان نفع ايله انتفاع ايكي صورتيله ملاحظه اولنه بيلور .
برنجيسى ، نفس مقسومه و حصه دار لره آريلان اقسامه نظرا قبل القسمه اولان نفع ايله انتفاع اولنه بيلمكدر .
برقوناقك ايكي قسمه تقسيمنده اولديكى كى .
ايكنجيسى ، نفس مقسومدن خارج ديكر ملكه ضميمه قبل القسمه اولان نفع ايله انتفاع اولنه بيلمكدر .
شوييله كه ايكي كيمسه بينده برعره مشترك اولوبده عشرى برينك وباقيسى ديكرينك ملكى اولسه بعد القسمه
طقوز عشر صاحبك حصه سيله انتفاع ممكن ايسه ده عشر صاحبك حصه سيله انتفاع ممكن اولوبده فقط عشر
صاحبك بوعره نك اتصالنده ديكر عرصه سى بولنسه ده بوعره حصه بو ديكر عرصه سى ضم وعلاوه ايتك
صورتيله انتفاع ممكن بولنسه مذهب شافعى به كوره بوده قابل قسمتدر . بوضورنده عشر صاحبك ويريه جك
حصه كندى عرصه سى متصل جهتن بلاقعه ويرملك لازم كلور . والا ملكنك تفريقى سبيله متضرر
اولسى انتاج ايدر .
ديكر ملكه ضم صورتيله مذهب شافعى به كوره قابل قسمت اولديكى باجور يده مصر حدر . اوراده شوييله
دنيلور : فلوكان لاحد الشريكين عشر دار لا يصاح للسكنى والباقي للآخر يصلح لها ولو بضم ما يملكه بجواره
ولو باحياء موات بجنبه اجير صاحب العشر على القسمه بطلب الآخر انتهى . بوقانونده كى قابل قسمت بو معنايه
آلمسى تخفيف ضرر نقطه سنده مناسب اولور .
قابل قسمت اولماق — هر حصه ده وياخود بعض حصه لرده منفعت مقصوده قسمت ايله فوت اولمق ايله
اولور . بر دكر من ، برهام ، بر صغير دكان ، بر صغير خانه كى . هر حصه ده منفعت فوت اولور ايسه مجله احكامنجه
دخى قابل قسمت دكلدر . اما بعض حصه لرده فوت اولوب فقط ديكر بعض حصه لرده فوت اولماز ايسه مجله
احكامنجه منفعتى فوت اوليان حصه دارك طليله قابل قسمت ايسه ده ديكر حصه دارك طليله قابل قسمت
دكلدر . بوقانونه كوره هانكيلى طلب ايدر ايسه ايتسون قابل قسمت دكلدر .
مثلا برهام ، ايكي قسمه تقسيم اولنسه حمام اولمق منفعتى فوت اولور . بعد القسمه او حمامك هر قسمى
مغازه ، آخور ، دكان اولمغه صالح وبوجهله انتفاع قابل وحتى دها زياده غله كتوره جك اولسه بيله قابل
قسمت دكلدر . زيرا قبل القسمه اولان منفعت استحمام صورتيله انتفاع ايكن بعد القسمه اولان منفعت مغازه
يادكان صورتيله انتفاع اولمش وماهيت قسمت افراز ايكن منفعتك تقويت وتغيرينه مؤدى بولنش اولور .
نته كيم برخانه ده بر كيمسه نك حصه سى اونده طقوز وديكر كيمسه نك حصه سى اونده بر اولمغه لى التقسيم
اول كيمسه يه قسمت نافع ايكن او كيمسه يه مضر اولسه بوقانونده بيان اولنديغه كوره بوخانه قابل قسمت دكلدر .
اموال غير منقوله اراضى اميريه ومستغلات وقفه اولور ايسه بونلرك قابل قسمت اولسى بعد القسمه
هر حصه ايله انتفاعك امكانيله اولور . بر حصه دارك حصه سى زياده اولوبده تقسيم آكا نافع وديكر حصه دارك

حصه سی از اولوبده تقسیم اکا مضر اولور ایسه بو، قابل تقسیم عد اولنه ماز. زیرا بونده کی قسمتده یالکز شرکانک منافعی نظر اعتباره النقایله اکتفا اولنه ماز. بلکه میری ووقفک منافعی دخی خللدار اولماق شرطدر. مثلاً برقطعه ارض میری ایکی کیمسه بینده مشترک اولوبده برینک حصه سی اونده طقوز و دیگرینک اونده بر بولنسه ده لدی التقسیم طقوز حصه صاحبک حصه سنده زراعت ممکن اولوب فقط بر حصه صاحبک حصه سنده زراعت ممکن اوله ماسه بواض قابل قسمت عد اولنماز. زیرا تقسیم ایدلسه بر حصه صاحبک حصه سنده زراعت ممکن اوله منیجه میری به و خزینیه دخی ضرری اولور.

مسققات و مستغلات و قفیه ده دخی حکم بویه در. شویله که بالاجارتین تصرف اولسان بر وقف خان ایکی کیمسه بینده مشترک اولوبده برینک حصه سی اونده طقوز اولغله بعدالقسمة اونک حصه سیله انتفاع ممکن ایکن دیگرک حصه سی اونده بر اولغله بعدالقسمة بونک حصه سیله انتفاع ممکن اوله منسه بو عمار، قابل قسمت عد اولنماز. زیرا تقسیم ایدلسه بر حصه صاحبک حصه سنده انتفاع ممکن اوله مدینی تقدیرده وقفه دخی ضرر لاحق اولور.

اموال غیر منقرله، املاک صرفه دن اولور ایسه عین بومشترکک تفریق و تبعیضی صاحبان برینک حصه سی زیاده اولمق جهته اکا نافع و دیگرینک حصه سی از اولمق غنباریه اکا مضر یعنی منفعت مقصوده سی مفوت بولنور ایسه بوعین مشترک، نفی اولان کیمسه نک طلیله تقسیم اولنه جنی مجاهده مصرح و تقسیم اولنه میه جنی بوماده دن منفعهم بولنشد.

متن قانونک صوک فقره سنده مشاعاً تصرف اولسان اموال غیر منقوله قابل قسمت اولمدینی تقدیرده بالمزایده فروخت ایله ازاله شیوع ایدیه جکی بیان اولنور. بویه ازاله شیوع ایچون جبراً صائمق خصوصی سبب آتیه مستند اولدینی بیان اولنور:

کرچه بر مالی صاحبک اذنی اولمق سزین صائمق احکام عمومی به مغایر ایسه ده بوراده اراضی متصرفلری رقبه سنه مالک اولماق له برابر شیوع ازاله ده منفعت عمومی اولدیغدن ضرر عامی ازاله ایچون ضرر خاص اختیار اولمش و رضایتنه باقلمق سزین اراضینک آخره تفویض و احاله ایدلسی مناسب کورلشد. بو فقره و انتباب موجب شایان بحث و مناظره در.

ایکی کیمسه بر منزله شایعاً متصرف و غیر قابل قسمت اولغله شرکان برینک مستقلاً متصرف بولندینی دیگر مسکنی موجود اولدیغدن بو منزلک جمله سنک فروختی ایله ازاله شیوع ایدلسی طلب ایتدیکی حاده شرکان دیگرینک بشقه ممکن و ملجای اولماق له فروختدن امتناع ایتسه حاکم تمتی بیعه جبر ایده جک و مسکن سز براقه جقدر. بیعه جبره سبب مستقل دخی فروختی ایله ازاله شیوع اولمق سنی ادعا ایدن شریکک توفیر منافعه خدمتدن عبارتدر. چونکه فروختنی طلب ایدن مشارک یالکز کندی حصه سی صانه جق اولور ایسه شیوع غنیدن طولانی از بدل طوتار.

مثلاً درت یوز آلتون قیمتده بولنان بر خانه ایکی کیمسه بینده مشترک اولوبده شرکانک یالکز بریسی کندی حصه سی صانه جق اولدقده آنجق یوز الی لیرا طوتار. جمله سی صاتلسه درت یوز لیرا ایده رک الی لیرا فضله باره آلیر. صاتمق ایستیان حصه دار مشارککک یوزندن الی لیرا فضله انتفاع ایتسون ایچون توزیع عدالته مأمور بولنان قاضی صاتمق ایستیان حصه دارک حصه سی جبراً صاتیور و ایستیدیکی حاده مالکینک الندن چیقمنسه سبب اولور. برینه مصیبت ترتیب دیگرینه منفعت توفیر اولنور.

اسباب موجبده فروخت ایله ازاله شیوع اراضی امیری به مقصور کبی کوسترلمش ایسه ده قانونده املاک ده دخی تشمیل ایدلمشدر. و اسباب موجبده ضرر عام ایچون ضرر خاص اختیار اولنشدنر دینلیور ازاله اولنان ضرر عام نه اولدینی آکلاشیلمیور. معلوم و محقق برشی وار ایسه اوده مشارککدن برینه توفیر منفعت و دیگرینه تحمیل مضرتدر. و بر ضرری کندی مثلیله ازاله ایتکدر.

قابل قسمت اولمیان اموالک جبراً و حکماً فروختیه ازاله شیوع ایدلسی حقه ده مذاهب اربعه ده بر مسئله اولوب اولمدینی حقه ده تدقیقات اجرا اولندی. مذهب مالکی به منسوب کتب فقهیه دن امام خرشینک تألیف کرده سی بولنان کتایده ایضاحات آتیه به دسترس اولم.

مشترک عمارک بیعیله ازاله شیوع ایدلسی احد شرکا طالب اولدینی حاده دیگر امتناع ایتسه امتناع ایدن شرائط آتیه ایله بیعه اجبار اولنور.

۱ — عمار غیر قابل قسمت اولنلدر. توپو، حمام، دکر من کبی، بو شرط بو قانونده دخی مذکوردر. ۲ — صاتمق ایستیانک حصه سی یالکز صاتلدینی تقدیرده قیمتدن نقصان ایله صاتیله ججک تحقیقدر. بناء علیه بو حصه یالکز صاتلدینی تقدیرده مجموع عماره نسبة قیمت حقیقه سیله صاتمق ممکن ایسه دیگر شریکینی بیعه اجبار ایده مز. ولوکه مجموعنک بیعی حالده قیمت حقیقه سندن فضله بدل طوته جنی معلوم اولسه دخی.

۳ — مشارکک بو عماری جمله اشترا ایتمش اولمیلدر. بناء علیه طالب بیع، کندی حصه سی منفرداً صاتون آلمش ایسه دیگرینی بیعه اجبار ایلیمز.

۴ — بو عمار سکنی و امثالی ایچون اشترا ایدلمش اولمیلدر. بناء علیه استقلال ایچون صاتون آلمش و یاخود سکنایه معد اولان عماراتی برای تجارت اشترا اولمش ایسه دیگرینی بیعه اجبار ایده مز.

۵ — بیعدن امتناع ایدن شریک، طالب بیع اولانک حصه سی منفرداً صاتلدینی تقدیرده ترتب ایده جک نقصانی طالب بیعه ویرمهک تعهد ایتاملیدر. بناء علیه بو نقصانی تمهد ایدرسه بیعدن امتناع ایدن مشارک بیعه اجبار اولنه مز. و الحاصل مذهب مالکی به کوره بیعه جبر اولمق بالاده کی بش شرط ایله مقید و مشروط بولنشد. شرائط مذکور حائز قیمت اولدیغنه شبهه یوقدر. فقط بو قانونده کی بیعه و فراغه جبرده صوک درت شرطک وجودی لابد بولندیغنه دائر بر کونا قید و اشارت یوقدر.

غير قابل قسمت اولان اموال غير منقوله ايله صورت انتفاع مذهب شافعي به كوره بروج آتی اولور .

۱ — مهائنه صورتيله انتفاع ايدر .

۲ — احد شرکا دیگر شریکینه ایجار ايدر .

۳ — جمله شرکا اجنبی به ایجار ايدر .

۴ — شرکا بالاده مذکور اوچ صورتدن بریبه انتفاعده اتفاق ایده منزل ایشه حاکم ایجاری ممکن ایشه ایجاره شرکائی ایجار ايدر . ایجاری ممکن دکل ایشه علی وجه المهاینه انتفاعه جبر ایدرلر .

بوقانونده قابل قسمت اولیان اموالک بالمزایده فروختی اصولی وضع اولنمسیله قضاء مهائنه دخی برطرف اولدی .

مستثنیات : بیع وفراغ صورتيله ازاله شیوع قاعده سندن مسائل آتیبه مستشار .

۱ — مال مشترک فروختی صورتيله ازاله شیوعده فروختدن امتناع ایدن شریک دیگر برمانه ضرری موجب اولور ایشه بوجهه ازاله شیوع طلبی نظر اعتباره آلتماز .

بناء علیه ایکی کیمسه بیننده مشترک و ملک بر طریق خاص بولنوبده قابل قسمت اولماق جهتيله بالبیع ازاله شیوع ایدلمسی احد شرکا طلب ایتدیکی حالده دیگرى امتناع ایشه تمتع اولانک خانه سینه یا ترلا سینه کیده جک بشقه بر یولی بولنمسه بو طریقک فروختيله ازاله شیوع ایدلمسی جائز اولماز . زیرا بو صورتده تمتع اولانک خانه سنک یا ترلا سنک معطل اولمسی مستلزم اولور . ضرر ایشه ممنوعدر .

۲ — فروخت صورتيله ازاله شیوع وقفک بیعنه مؤدی اولور ایشه بوجهه ازاله شیوع ادعاسی استماع اولنه ماز .

بناء علیه بر عقارک نصف شایعی وقف و دیگر نصفی ملک اولوبده قابل قسمت دکل ایشه فروختی صورتيله ازاله شیوع ممکن اوله ماز . زیرا وقف آلتوب صالتماز .

ماده : ۲

[تقسیمک بش سنه مدته تأخیری جائزدر . بومدک ختامنده شرکا لزوم کوریرلر ایشه مقاوله نی تجدید ایده بیلورلر .]

بوماده ده کی « تقسیمک » عبارتمسی یرینه « ازاله شیوعک » دنیلیمک اقتضا ایدردی . زیرا تقسیمک بش سنه مدته تأخیری جائز اولوبده بالمزایده فروختيله ازاله شیوعک تأخیریتک عدم جوازی ایچون سبب بولنه ماز . مشارکله ازاله شیوعک بش سنه مدته تأخیری مقاوله ایتدکیرنده بوماده حکمنجه مقاوله مذکوره معتبر اولور .

بناء علیه بروج مشروح مقاوله دن صکره بش سنه تمام اولدن مقاوله یه وضع امضا ایدنلردن هیچ بریسی بومقاوله دن رجوع ایده مز . نادم اولوبده مدت مقاوله تمام اولدن ازاله شیوع ادعاسنده بولنسه

استماع اولنه ماز . ازاله شیوعک تأخیری مقاوله سی بروج مشروح شرکاء عاقدین آرسنده معتبر اولدیگی کی ورته لری ومشتیرلری حقنده دخی معتبر اولور .

بناء علیه مقاوله ایدنلرک بری کندی حصه سنی اجنبی به فراغ ایشه بومتفرغ بش سنه تمام اولدن ازاله شیوع ادعاسنده بولنسه التفات اولنه ماز .

ازاله شیوع مقاوله سنک منتهای مدتی بش سنه در .

بناء علیه ازاله شیوعک بش سنه مدته تأخیری جائز ایشه ده ها زیاده مدته تأخیری مقاوله ایتسه لر بومقاوله منتهای حد قانونی اولان بش سنه ایچون معتبر وفضله سی ایچون غیر معتبر اولور . بوضورتده بش سنه ختامنده عقد مقاوله ایدنلردن هر بری ازاله شیوعی طلب ایده بیلورلر .

بوش سنه سنه شمسیه یا قریه دن هانکیسی اوله جغنی طرفین مقاوله ده تصریح ایدرلر ایشه آکارعایت اولنور . تصریح ایدلمدیکی تقدیرده مقاوله نامه نك تاریخنه باقیلور . بوتایخ یالکن عربی ایشه سنه قریه ویا لکن رومی ایشه سنه شمسیه اعتبار اولنه جنی کی ایکی تاریخی دخی محتوی بولنور ایشه کذلک سنه شمسیه اعتبار ایدیلور .

بش سنه ختامنده ایکنجی دفعه بش سنه ایچون تجدید مقاوله اولنسه معتبر اوله جنی کی بوندن صکره اوچنجی دفعه کذلک بش سنه ایچون تجدید مقاوله اولنقی معتبر اولور . دردنجی ویشنجی والی آخره دفعه لرده دخی تجدید مقاوله جائز اولدیگی جای اشتباه دکلدر .

« ختامنده » تعیری قید احترازی دکلدر .

بناء علیه مدت مقاوله هنور ختام بولماش ایکن ختامندن معتبر اولمق اوزره درت یا بش سنه مدته تجدید مقاوله اولنسه معتبر اولور .

« لزوم کوریرلر ایشه » تعیری آرزو ایدرلر ایشه مناسنده در .

بناء علیه بش سنه مدته تجدید مقاوله اولندقدن صکره بعض شرکا بوتجدید بلا لزوم ایدی دیه مدعیانده بولنسه قبول اولنه ماز .

ازاله شیوعک بش سنه مدته تأخیری مقاوله سی هم تحریری همده شفاهی اوله جنی ماده آفه شرحنده بیان اولنمشیدی .

بوماده مسائل فقهیه به مخالفدر . یعنی تأخیر تقسیم مقاوله سی حکمنه مطاوعته عقد مقاوله ایدنلری ایجار ایتک وبو مقاوله نك ختامندن اول احد شرکانک تقسیم ادعاسنک عدم قبولی جهتنه کیتیمک احکام شرعیه به موافق دکلدر . زیرا بومقاوله مشارکدن برینک دیگر مشارکنه کندی حصه سیله انتفاع ایتمه اذن ورخصت ویرمکدن عبارت وبر نوع اعاره اولور . اعاره ایشه عقود لازمه دن اولمدیغه منی احد شرکانک دیلدیکی زمان حق رجوعی وبناء علیه طلب تقسیمه صلاحیتی اولمق لازم کور . ویاخود بومقاوله شرکانک

کندی حصه لرني افراز ايتديرمك صورتيله كندی حصه لرنده تصرف ايتيه جککرينه دائر بر تعهد اولوب بوتعهد ايسه باطلدر.

ماده : ۳

۱ قابل قسمت اولان يرلر، رضاء ويا حکماً تقسيم ايديله بيلو . رضاء تقسيمده باجمله شرکانك موافقتي لازم و حکماً تقسيمده بعضيسنك طلبي کافيدر . شرکا بيننده يتيم ويا محجور بولنور ايسه وصي ويا وليلري آنلرک نامنه تقسيمك اجراسني طلب ايديه بيلورلر.

بوقانونك برنجي ماده سننده بيان اولنان معنايه کوره قابل قسمت اولان يرلرده هم قسمت رضا همده قسمت قضا جاريدير.

قسمت رضا، شرکانك يعني ملك مشترك صاحبلرينك رضاليله اجرا اولنان، قسمتدرکه جمله شرکا بالتراضي بينلرنده تقسيم ايدرلر. ويا خود جمله سنك رضاليله دفترخاقاني مأموري ويا خود ينه جمله سنك رضاليله صاحب حاکمي ويا خود کذلک جمله سنك رضاليله صلح حاکمک غيري بر حاکم ويا خود ينه جمله سنك رضاليله طرفلرندن منتخب حکم کي ديگر برکيمسه تقسيم ايلر. بوجه مشروح قسمت رضا جائزدر. زيراشرکانك کندی نفسلرينه و ماللرينه ولايتلري واردر.

فقط شرکادن بعضيلري صغير يا مجنون اولمق کي تصرفه اهل اولمجنجه بولنرک رضالرينك حکمي اوليوب بناء عليه طرفلرندن برنائبک بولمسي لازمدر. بصورتده شرکا مياننده قاصرین يعني صغير يا مجنون يا معتوه وار ايسه وایسي يا وصیسی حاضر ايکن تقسيم اولنور. اما بولنرک حضوري اولمقسرين تقسيم اولنسه بوقسيم لازم اولماز. زيرا بوي قاصرین اوزرلرينه ديگر شرکانك ولايتلري يوقدر. فقط مؤخرأ صغيرک وایسي يا وصیسی يا خود حاکم يا خود صغير بالغ اولدقندن صکره کندیسی يا خود صغير وفات ايتمکه ورثه سی بوقسيمه اجازت ویرسه لازم اولور.

محكمة تميز رئيس اولی

فرانسه ده ژوری اصولی

تسبیقات اجرا ایدلسون، بن بوکا اعتراض ایتیم. تقدیر عدالت قضیه سی امنیه سنک ترقیسی ملتك معالی ایاقنی اثبات ایدر. اگر احقاق حقت تقدیری دستور حرکت اوله رق قبول ایتک ایستیورسه جهلادن صرف نظرله معتدل، فاضل، عادل و ممکن ذواتی انتخاب ایتلی. شمدي هرشیدن اول یایله جق شی ژوری انتخاب ایدن هیئتلرک دقتله ایفای وظیفه ایتملری ایچون اقتضا ایدن تدایرک اتخاذی در. هر سنه نهایتده ژوری لیسته لرني ارباب حقوقدن متشکل مختلط برهیئت طرفندن ژوریلرک ایفای وظیفه یه قادر، حقشناس اولوب اولمادقلرني تدقیق ایدیللی. حکامه کلنجه : اولر دخی ژوری نی تنویر ایچون هر درلو تسهیلاقی کوسترمک وظیفه سیله مکلف درلر. برده جزانک برحد معقوله ایندیریلیسی ایچون درمیان ایدیلن اسباب مخففه حقنده معین بر طریقک ارانه سی ضمنده تعدیلات مقتضیه نك اجراسی درجه و جوبده در. اکثریا ژوری عهدده سنه تودیع ایدیلن وظیفه نك احکام اجتماعیه نقطه نظرندن وجدانیاته متعلق بر خدمت مفتخره اولدیغنی بیلمدیکندن کینی برقرارله اکتفا ایدر. تربیه فکریه ژورینک وجدان ادراک و عرفانی ایچون عادتا بر محک طاشیدر. تعدیلاتك اجراسندن اول کشف ایدیلن اصول جدیده نك نتایج مستحسنه ویره جکنه دأرقاعات کامله حاصل ایتلی. کشف ایدیلن اصول وجدانک معیار ماهیته مطابق اولمزسه فائده یرینه ضرر ویرر.

ایلك اجتماعده ژورینک حالت روحیه سننده بر غرابت حکمفرما اولور. بونک سببی ده تجربه سزلکی واققدار سزانی اولسه کرکدر. اساس مسئله حقنده آنحق برآز معلومات آلمش حقیقی بر فکر حاصل ایتیش ایکن اجتماع ختام بولور. بونک اوکنی آلمق ایچون یکنه چاره اسکی ژوری هیئتندن هیچ اولمزسه بش کشینک یکی ژوری هیئته اشتراك ایته سیدر. اسکی هیئته ایفای وظیفه ایتیش اولان ژوری یکی هیئت اعضاسنک فکرینی تنویر ایلر. هر یکی هیئت اسکی هیئته اکتساب تجربه ایتیش اولان اعضانک فکرندن استفاده ایدرک محور عدالت منتظم بر جریان تابع اولور. بوکون بتون فرانسه ده هر کس ویریلن قرارلردن مشککی در، ایجابات حاضره اجتماعیه نقطه نظرندن موجودیت عدلیه نك وانحاً محسوس اولسی آرتق بر احتیاج مبرم حالی آلمشدر.

موسیو پرینونک مطالعه سی

مشاهیر حقوق شناسانن موسیو «پرینو» جریده عدلیه ده ژوری مسئله سی حقنده مطالعه آتیه یی درج ایتشدر.

«قوانینک روحی بنیان عدالتدر. قوه اجتماعیه حاضره نك برات مرادی ايسه بنیان عدالتک تقویه سنندن

عبارت اولدیغنه رغماً امور عدلیه مزده، مع التأسف بر چوق نقائص وارددرکه اونلرک هر حالده تعمیر و تصحیحی اقتضا ایدر. بر سنه ظرفده بتون فرانسه ده ایقاع ایدیلن جنایات فاعلرینک قسم اعظمی بو کون سربست کزییورلر. اونلر هر نصله پنجه عدالتدن قورتولمشلردر. ده کچده جرم مشهود حالده توقیف ایدیلن برجانینک نائل برائت اولسی بتون فرانسه افکار عمومی سنده عظیم برهیجان اوپاندردی. بونک سببی ژوریلرک جهالت و تجربه سزلکی اولدینی ادعا ایدیور. بنده بدرجه به قدر بوا دایه اشتراک ایدرم. فقط بتون مسئولیتی ژوریلرک تحمیل ایتک موافق معدلت دکلدرد. هر نه قدر ژوریلر اکثریا « اوت » ویا « خیر » جوابنده یا کلیرلر ایسه ده عمومیت اعتباریه بونک سببی قوه عدلیه مزده کی عدم انتظامه عطف ایتلی. ژوری حقنده وضع ایدیلن اصول پک ناقص واحوال و ایجابات حاضره اجتماعیه غیر موافقدرد. واضع قانون ژوری بی حقوق و قوانینک رسم مجسمی کبی تلقی ایدرک یالکیز « خیر » ویا « اوت » جوابی اوکا تحمیل ایتکله اکتفا ایتشدرد. حالوکه بو ایکی کلمه نك متضمن اولدینی معنائک ماهیتی عجبا شمیدیکی ژوری لایقی وجهله درک و تیقن ایده بیلیرمی؟ ژورینک فکرینی اشغال ایدن شی بر جزانک حد اصغریسی ایله حد اعظمینک نه دن عبارت اولدیغی بیلیمکدر. اووقا جنرال اونی ژوری به پک بسیط بر صورتده تعریف ایدر. ژورینک تدقیق و محاکمه سنه عرض ایدیلن هر مسئله ده اسباب مخففه بولنوب بولمادیغی ده آکلامق لازمدر. بوندن ماعدا اصول محاکمه جزائی قانوننک ۶۳ نجی ماده سنی تعدیل ایدرک ژوری به دهها زیاده اسباب مخففه (Circonstances très atténuantes) کوسترمک صلاحیتی بخش ایتلی. ژوری به اقتضای این معلومات و ایضاحاتی ویرمکدن ماعدا اولکی ژوری هیئتی طرفندن اجرا ایدیلن تحقیقات و تدقیقاته دائر اولان اوراقک مطالعه سنده مساعده ایتلی.

محکمه جنایت رئیسی ژوری اوزرنده بر مراقبه حققی حائز اولمالی، تحقیقاته نظارت ایدوب اونک تنویر فکرینه خادم معلومات و ایضاحات ویرملی و دهها بشقه سهولت کوسترملی در.

« اوت » ویا « خیر » جوابی وجدانه متعلق بر مسئله در. حالوکه هیئت حاکمه ژورینک بو جوابی قناعت وجدانیه دائره سنده ویرمش اولدیغنه امین اوله بیلیرمی؟ احتمال احتراصه تابع اولمش و یا خود علی العمیا اغرنندن کفی سویه مش، فقط اگر ژورینک وظیفه سی قوی بر نظارت و مراقبه آلتنه التیره او جوابک نه کبی قناعت و اساسه مبتنی اولدینی سهولته آکلاشیلیر. بعضاً ژوری مساوی احوالک، جنایتک افکار عمومی اوزرنده حاصل ایتدیکی سوء تأثیری بیله تقدیر ایدمیز. ژوری اصولنک یا کلش اساسه مبتنی اولسی ایچون بر چوق معصومک دوچار مجازات اولملری و جانی و اشراکک برائت فازانملری افکار عمومی به تدهیش ایتشدرد. جنایت محکمه سنک وقار و مهابته خلل کلش. برمدتنبیری ویریلن حکملره کیمسه اهمیت ویرمور. میدانده سوء استعمال، قانونه مغایر حرکت یوق، یا لکیز اصول موضوعه نك تطبیقده کی بعض نقائص ایله

اصول مذکور نك احوال و ایجابات حاضرده عدم موافقتی سوء تفهیمی موجب اولیور. جدی بر تعدیل بو سوء تفهیمک ازاله سنی انتاج ایده جکدر. *برحا کک مطالعه سی*

پارس استیناف محکمه سی اعضاسندن بری جریده عدلیه ده بوجه آتی مطالعه مهمه سی سرد ایتشدرد:

« ۱۸۷۲ ده عدلیه نظارتی طرفندن نشر ایدیلن بریانه نامه ده « ژوری کنديسنه تودیع ایدیلن وظیفه بی وجدان و اقتدار دائره سنده ایفایه قادر اولوب احتراصات شخصیه دن آزاده، خصائل استقلالیت شخصیه مالک، تربیه فکریه و اخلاقیه سی مصدق اولمالیدر » دینلمشدر. دیمک اوزمان ده ژورینک خطا لود مداخله سیله قوه عدلیه نك استقلالیته خلل کلدیکنی ادراک ایدوب نظارت بویه بریانه نامه نشرینه لزوم حس ایتشدرد. ۱۹۰۴ ده نشر ایدیلن بریانه نامه دخی عین مطالعه مندر جدر. اوتاریخدن بری ژوری مسئله سی محافل حقوقیه ده کال حرارتله موضوع بحث ایکن آلآن قطعی بر نتیجه اقتران ایتهمشدر. ژورینک یا کلش برقراری افکار عمومی اوزرینه پک فنا بر سوء تأثیر حاصل ایدر. جمعیتده جانیلرک عددی آرتار خصوصیه مجرم اعتیادی اولانلر مرتکب جنایتلرک اکثریا جزاسز قالدقلمی کورنجه آرتق ایقاع جنایتده تردد ایتزلر. فقط مجرم آنی ایله مجرم مادرزادلر ایچون بو مطالعه قطعاً وارد اوله مز. مجرم مادرزادلر تربیه اخلاقیه و مدنیه ایله حس وجداندن عاری اولدقلمی طولایسیله طبیعی ایقاع ایتدکلری جنایتک درجه شدتی حس ایده مزلر. بونلر ایچون نه قدر آغیر جزا لر وضع ایدیلر سه یه حائز تأثیر اوله مز. بوعادتا غیر قابل تداوی برجنیت اولدیغندن اونلری جمعیتدن طرددن بشقه هیچ برچاره یوقدر. فقط مع التأسف، ژورینک بعضاً بونلر حقنده برائت قراری ویردیکی کوریلیر. قانون طبیعت بیله بونلرک شدتله جزا لاندیرلمسی طلب ایدر ایکن ژورینک فاحش برجهالتی نتیجه سی اوله رق نائل عفو اولملری اجتماعی مدھش برجنایتدر. بوتله ک اجتماعیه نك اوکنی آلمق ایچون ارباب حقوق نه دوشونیورلر؟ هر کس ژوری اصولنک لزوم تعدیلندن بحث ایدیور. ۱۸۷۲ سنه سی تشرین ثانی نك ۲۱ نجی کونی برنجی دفعه اوله رق ژوری قانونی موقع تطبیقه وضع ایدیلدی. بوقانون اوزمان ایچون مطلوبه موافق اوله بیلیر ایدی. فقط شمدی قصور و نقائصدن سالم دکلدرد. ژوری لیسته لرینک تنظیمی حقنده قانون سکوت ایدیور، احتمال واضع قانون بوندن قرق سنه اولکی احوال و ایجابات اجتماعیه بی نظر دفته آله رق بوبابده قطعی بر صراحته لزوم حس ایتهمشدر. لیکن بوکون لیسته لرک تنظیمی مسئله سی کیفی اجرا آته هدف اولدینی ایچون قانونک هر حالده تعدیلی لازم کلیر. ملت لیسته لرک حق مراقبه سنی حائز اولمالی. شمیدیکی لیسته لرک تنظیمنده احتراصات شخصیه نك، سیاسی طرفکیر لکک ورقابت اجتماعیه نك پک بیوک بردخل و تأثیری واردرد.

محكمة رئيسلری ايله ، صلح حاکملى لیستهلرک تنظیمنه نظارت ایتدکلری ایچون اکثریا قوه سیاسیه امور عدلیه یه تجاوز ایدر. لیستهلرک تنظیمنه مأمور اولانلر استقلالیت عدلیه قضیه سنی نظردقته آلیوب کندى سیاسى طرفدارلرینک اسملرینی ایلری سورده لر. حتی بعضاً جنایتله علاقه دار اولانلرله ، جنایتک شخصی دوستلرینک بيله زوری تعیین اولندقلری کورولمشدر. بیوک شهرلره و خصوصیه پارس زوری انتخابی غایت مشکلدرد. سنوی لیستهلری کوزدن کچیررسهک برچوق جهلانک اسامیسنه تصادف ایده جکز . بونک ایچون ایلك اجتماعک عقدندن اول زوری بی محکمه رئیس و یاخود مومی الیهک توکیل ایتدیکی بر اعضا طرفندن سطحی برامتحاندن کچیرملى .

۱۸۷۲ قانونی موجبجه زورینک یومیه ویا آلقله تأمین معیشت ایدن ذواتدن اولمسی اقتضا ایدردى . طبیعی بوکیلرک عوامدن معدود اولدقلری ایچون احکام قانونیه عدم وقوفلری ادعا ایدیله جک ایسه ده بن بوادعای کندى تجربه مله رد ایدرم . قانونه واقف اولمیان برکوبلی ، عادى برعمله قوانینه واقف اولدیغی حالده حس وجداندن عاری بولندیغی ایچون احتراصاته تابع اولان برحقوقشناسدن ده عادلانه و وجدانى برحکم ویره بیلیر . هله او عملله ديه تحقیر ایدوب هیچ اهمیت ویرمدیکمز آدجغز ایضا ایده جکی وظیفه نك ماهیتی تقدیر ایتک اقتدارینی حائز اولورسه قضیه عدالت ده واضح برصوتده انکشاف ایلر. عیبا زورینک قانونی لساننه واقف اولمسی مقتضى میدر؟ ویاخود ایقاع ایدیلن جنایتک تعمد ویا آنى برحدت نتیجه سی اولدیغی تدقیقه مجبوری واری؟ بوخصوص حقنده قانونده صراحت یوقدر.



اعلان

لابسکی قضای خزینة مالیه سنه جهت کمالندن طولای مدیون بولنان قلعه سلطانیه ده مقیمه حاجیک بدروسیان زوجہ سی مانیک خاتونک دیون معلومه نك تأمین استیفاسی ضمتده اجرا معرفتله تحت حجزه آلدریلان مزبورنك بابا دره سنده حاجی ایوب سوقاغنده حاجی صلیب ترلاری غرباً سروان اوغللری شمالاً و جنوباً ابراهیم افندی ايله محدود مع اشجار اوچ دونم بر و ایکی قیسولر موقعنده شرقاً دره غرباً بول شمالاً عیسی چاوش یتلری جنوباً یازمچی حسن و پهلوان یتلری ايله محدود اون دونم بر و اووه چشمه سنده شرقاً حاجی مصطفی غرباً احمد اغا شمالاً احمد جنوباً بول ايله محدود درت دونم بر و عقار یقه سی موقعنده شرقاً دره غرباً امام اوغلی نوری شمالاً دره جنوباً امام اوغلی شریف علی ايله محدود متصرف اولدیغی ترلاری تاریخ اعلاندن اون بش کون صوکره بالمزایده فروخت ایدیله جکندن طالب اولنلرک ایواجق اجرا دائره سنه مراجعت ایللری اعلان اولنور .

جسر ارکنه نك مرادیه محله سندن حاجی طراندہ فیل اوغلی صوتیرک قصبة مزبورک خالصه خاتون محله سنده ساکن ایکن ایوم اقامتکاهی مجهول بولنان ایزدیرافقو دیمتری ولد نیقوله نك ورته سندن اوغللری بقال یوان و اوستویان و یورکی و کریمه سی ماریه یه اضافله مرقوم یوان علینه جسر ارکنه بدایت محکمه سنده اقامه ایلدیکی یتمش درت عدد عثمانلی التونیه سکسان التی غروش آله جق دعواسنک سنه حالیه شهر کانون ناینک ایکنجی پنجشنبه کونی اذانی ساعت بش راده لرنده رؤیت اولنه جقه دائر تنظیم قلنان دعوتیه ورقه سی اولبابده کی دعوی عرفی اصول محاکمه حقوقیه قانوننک یکریمی التنجی ماده سی حکمنه توفیقاً محکمه دیوانخانه سنه تعلیق قلنمش اولدیغندن مرقومک یوم و وقت مذکورده بالذات جسر ارکنه بدایت محکمه سنده حاضر بولمسی و یاخود طرفندن مصدق بر وکیل کوندرمسی و عکس تقدیرده اصول محاکمه حقوقیه قانوننک یوز قرق بشنجی ماده سی موجبجه مدعینک طلیله دعوائک حقنده غیباً رویت اولنه جفی اعلان اولنور .

عارف بکک صبحی بک ذمتده بک اوغلی ایکنجی حقوق دائره سنک ۱۹ اغستوس سنه ۳۲۹ تاریخ و ۵۷۷ نومرولی اعلامیه محکوم به الاجبی اولان مبالغ معلومه نك تأمین استیفاسی ایچون مدیون مومی الیهک

محکمہ تمیز حقوق دارہ سی مقرراتی — (۵) حق حاکمہ دن موقہ سقوط ۲۶ کانون اول ۳۲۹ ۵۴۹۵

(۶) اموال غیر منقولہ نك جزى حقوق محکمہ — ۳۰ ۵۴۹۶ سنہ عائد در

(۷) اراضی و مغروسات مشترک اولی اوزرہ
ارضی امیر بہ نك متصرف طرفندن دیگر بہ
مقاولہ خصوصیه ایله اعطا اولنسی غیر
صحیح در ۳۱ ۵۴۹۷

(۸) طابو سندینک اعطاسی و اراضینک تصرفی
ایچون یوقلمہ اسباب قانونیہ دن دکادر ۱ کانون ثانی ۳۲۹ ۵۴۹۹

(۹) قید رسمی بہ قارشو رهن حقندہ شہود
استماعی غیر جائز در ۲۶ ۵۵۰۱

(۱۰) کفالت دعواسندہ حکم مستأنف بہ نتیجہ
قطعیہ بہ اقتران ایتمدکچہ کفیلک محکمہ و میتی
لازم کلز ۱۲ ۵۵۰۲

محکمہ تمیز خزا دارہ سی مقرراتی — (۱) قتل قصدیہ جرح اعظم جرم دن معدود در ۱۳ ۵۵۰۳

(۲) اشیای خسیسہ سرقی تخفیف مجازاتہ سبب
اولہ ماز ۱۴ ۵۵۰۴

(۳) تعرض شدید تحریک و مقابلہ بی منتج احوال دندر ۲۷ ۵۵۰۵

(۴) اکثریت ثلثان آرائک مجرمیت قراری
اعطاسی ایچون لازم در ۲۷ ۵۵۰۶

محکمہ تمیز اسناد دارہ سی مقرراتی — (۱) ہیئت حاکمہ میانندہ بولنان افندی نك صفت
قانونیہ سی تعین ایتمک شرط در ۷ تشرین اول ۳۲۹ ۵۵۰۸

(۲) دعوتیہ ورقہ سنک صورت تنظیمندہ کی
یولسزلق نظر دقتہ آلتقی لازم در ۱۱ تشرین ثانی ۳۲۹ ۵۵۰۹

(۳) جالب و استماعی تحت قرارہ آلتان شہودک
بلا اسباب موجبہ جلبندن صرف نظر
اولنسی موجب نقصندر ۱۱ ۵۵۱۰

محکمہ تمیز حقوق دارہ سی مقرراتی — (۱) نتیجہ ندیقیاتی نتیجہ ندیر اولادہ دعاری اعلی ماتنک لیسہ سی ۵۵۱۲

قسم غیر رسمی
(۲)

محکمہ تمیز حقوق دارہ سی مقرراتی — (۱) نتیجہ ندیقیاتی نتیجہ ندیر اولادہ دعاری اعلی ماتنک لیسہ سی ۵۵۱۲

(۲) نتیجہ ندیقیاتی نتیجہ ندیر اولادہ دعاری اعلی ماتنک لیسہ سی ۵۵۱۲

(۳) نتیجہ ندیقیاتی نتیجہ ندیر اولادہ دعاری اعلی ماتنک لیسہ سی ۵۵۱۲

(۴) نتیجہ ندیقیاتی نتیجہ ندیر اولادہ دعاری اعلی ماتنک لیسہ سی ۵۵۱۲